

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – द्वितीयः प्रश्नः

Table of Contents

4 कृष्ण यजुर्वेदीय तैत्तिरीय संहिता क्रम पाठः	3
4.2 चतुर्थ काण्डे द्वितीयः प्रश्नः – देवयजनग्रहाभिधानं	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4 कृष्ण यजुर्वेदीय तैत्तिरीय संहिता क्रम पाठः

4.2 चतुर्थ काण्डे द्वितीयः प्रश्नः – देवयजनग्रहाभिधानं

T.S.4.2.1.1 - Kramam

विष्णोः॑ क्रमः॑ । क्रमो॑ ऽसि । अस्य॑भिमातिहा । अभिमातिहा॑ गायत्रम् ।
अभिमातिहेत्यभिमाति॑ – हा । गायत्रम्॑ छन्दः॑ । छन्द आ । आ रोह ।
रोह पृथिवीम् । पृथिवीमनु॑ । अनु वि । वि क्रमस्व ।
क्रमस्व॑ निर्भक्तः॑ । निर्भक्तः॑ सः । निर्भक्त इति॑ निः-भक्तः॑ । स यम् ।
यम् द्विष्मः॑ । द्विष्मो विष्णोः॑ । विष्णोः॑ क्रमः॑ । क्रमो॑ऽसि ।
अस्य॑भिश्स्तिहा । अभिश्स्तिहा॑ त्रैष्टुभम् ।
अभिश्स्तिहेत्यभिश्स्ति-हा । त्रैष्टुभम्॑ छन्दः॑ । छन्द आ । आ रोह ।
रोहान्तरिक्षम् । अन्तरिक्षमनु॑ । अनु वि । वि क्रमस्व । क्रमस्व॑
निर्भक्तः॑ । निर्भक्तः॑ सः । निर्भक्त इति॑ निः – भक्तः॑ । स यम् ।
यम् द्विष्मः॑ । द्विष्मो विष्णोः॑ । विष्णोः॑ क्रमः॑ । क्रमो॑ऽसि ।
अस्य॑रातीयतः॑ । अरातीयतो॑ हन्ता । हन्ता जागतम् । जागतम्॑ छन्दः॑ ।

छन्द॑ आ । आ॑ रो॒ह । रो॒ह दि॒वम् । दि॒व॒म॒नु॑ । अ॒नु॒ वि॒ ।

वि॒ क्र॒म॒स्व॑ । क्र॒म॒स्व॑ नि॒र्भ॒क्तः॑ । नि॒र्भ॒क्तः॑ सः ।

नि॒र्भ॒क्त॑ इति॒ निः - भ॒क्तः॑ । स॒ यम् । यम्॑ द्वि॒ष्मः॑ । द्वि॒ष्मो॑ वि॒ष्णोः॑ ॥

वि॒ष्णोः॑ क्र॒मः॑ । 1 (50/55)

T.S.4.2.1.2 - Kramam

क्र॒मो॑ऽसि॒ । अ॒सि॒ श॒त्रू॒यतः॑ । श॒त्रू॒यतो॑ ह॒न्ता॑ । श॒त्रू॒यत॑ इति॒

श॒त्रु - य॒तः॑ । ह॒न्ता॑ ऽऽनु॒ष्टु॒भम् । आ॒नु॒ष्टु॒भम्॑ छ॒न्दः॑ ।

आ॒नु॒ष्टु॒भ॒मित्या॑नु॒ - स्तु॒भम्॑ । छ॒न्द॒ आ॑ । आ॑ रो॒ह । रो॒ह दि॒शः॑ ।

दि॒शो॑ऽनु॒ । अ॒नु॒ वि॒ । वि॒ क्र॒म॒स्व॑ । क्र॒म॒स्व॑ नि॒र्भ॒क्तः॑ । नि॒र्भ॒क्तः॑ सः ।

नि॒र्भ॒क्त॑ इति॒ निः-भ॒क्तः॑ । स॒ यम् । यम्॑ द्वि॒ष्मः॑ । द्वि॒ष्म॑ इति॒ द्वि॒ष्मः॑ ॥

अ॒क्र॒न्द॒द॒ग्निः॑ । अ॒ग्निः॑ स्त॒न॒यन् । स्त॒न॒यन्नि॑व । इ॒व॒ द्यौः॑ ।

द्यौः॑ क्षा॒म । क्षा॒मा रे॑रि॒हत् । रे॑रि॒हद् वी॒रु॒धः॑ । वी॒रु॒धः॑ स॒म॒ञ्ज॒न् ।

स॒म॒ञ्ज॒न्निति॑ स॒म् - अ॒ञ्ज॒न् ॥ स॒द्यो॑ ज॒ज्ञानः॑ । ज॒ज्ञानो॑ वि॒ ।

वि॒ हि॑ । ही॒म् । ई॒मि॒द्धः॑ । इ॒द्धो॑ अ॒ख्य॑त् । अ॒ख्य॑दा । आ॒ रो॑द॒सी ।

रो॑द॒सी॒ भानु॑ना॑ ॥ रो॑द॒सी॒ इति॒ रो॑द॒सी॒ । भानु॑ना॒ भा॒ति॑ । भा॒त्यन्तः॑ ।

अ॒न्त॒रि॒त्यन्तः॑ ॥ अ॒ग्ने॑ ऽभ्या॒व॒र्ति॒न् । अ॒भ्या॒व॒र्ति॒न्नि॒भि॑ ।

चतुर्थ काण्डे - द्वितीयः प्रश्नः - (TS 4.2)

अभ्याव॑र्ति॒न्नित्य॑भि - आव॑र्ति॒न् । अभि॑ नः । न आ । आ वर्त॑स्व ।
वर्त॑स्वायु॒षा । आयु॑षा॒ वर्च॑सा । वर्च॑सा स॒न्या । स॒न्या मे॒धया॑ ॥
मे॒धया॑ प्र॒जया॑ ॥ प्र॒जया॑ धने॑न । प्र॒जये॑ति प्र - जया॑ ॥
धने॑नेति॒ धने॑न ॥ अग्ने॑ अङ्गि॒रः । 2 (50/56)

T.S.4.2.1.3 - Kramam

अङ्गि॑रः श॒तम् । श॒तम् ते॑ ॥ ते स॒न्तु । स॒न्त्वावृ॑तः ।
आवृ॑तः स॒हस्र॑म् । आवृ॑त इत्या-वृ॒तः । स॒हस्र॑म् ते । त उपा॑वृ॒तः ।
उपा॑वृ॒त इत्यु॑प - आवृ॑तः ॥ तासा॑म् पोष॑स्य । पोष॑स्य पोषे॑ण ।
पोषे॑ण पुनः॑ । पुन॑र् नः । नो नष्ट॑म् । नष्ट॑मा । आ कृ॑धि । कृ॑धि
पुनः॑ । पुन॑र् नः । नो रयि॑म् । रयि॑ मा । आ कृ॑धि । कृ॑धीति॒ कृधि॑ ॥
पुन॑रूर्जा । ऊ॒र्जा नि॑ । नि वर्त॑स्व । वर्त॑स्व पुनः॑ । पुन॑रग्ने ।
अ॒ग्न इ॒षा । इ॒षाऽऽयु॑षा । आयु॑षेत्यायु॒षा ॥ पुन॑र् नः । नः पा॒हि ।
पा॒हि विश्व॑तः । विश्व॑त इति विश्व॑तः ॥ स॒ह र॒य्या । र॒य्या नि॑ ।
नि वर्त॑स्व । वर्त॑स्वाग्ने॑ । अग्ने॑ पिन्व॑स्व । पिन्व॑स्व धार॑या । धार॑येति॒
धार॑या ॥ विश्व॑प्स्नि॒या विश्व॑तः । विश्व॑प्स्नि॒येति॑ विश्व - प्स्नि॒या ।

वि॒श्व॒त॒स्प॒रि॑ । प॒री॒ति॒ परि॑ ॥ उ॒दु॒त्त॒म॒म् । उ॒त्त॒मं॑ व॒रु॒ण॑ ।

उ॒त्त॒म॒मि॒त्यु॒त् - त॒म॒म् । व॒रु॒ण॑ पा॒श॒म् । पा॒श॒म॒स्म॒त् ।

अ॒स्म॒द॒व॑ । अ॒वा॒ध॒म॒म् । अ॒ध॒मं॑ वि॒ । 3 (50/53)

T.S.4.2.1.4 - Kramam

वि॒ म॒द्ध्य॒म॒म् । म॒द्ध्य॒म॒ञ् श्र॒था॒य॑ । श्र॒था॒ये॒ति॑ श्र॒था॒य॑ ॥ अ॒था॑ व॒य॒म् ।

व॒य॒मा॒दि॒त्य॑ । आ॒दि॒त्य॒ व्र॒ते॑ । व्र॒ते॑ त॒व॑ । त॒वा॒ना॒ग॒सः॑ । अ॒ना॒ग॒सो॑

अ॒दि॒त॒ये॑ । अ॒दि॒त॒ये॑ स्या॒म॑ । स्या॒मे॒ति॑ स्या॒म॑ ॥ आ॒ त्वा॑ ॥

त्वा॒ऽहा॒र॒ष॒म् । आ॒हा॒र॒ष॒म॒न्तः॑ । अ॒न्त॒र॒भूः॑ । अ॒भूर् ध्रु॒वः॑ ।

ध्रु॒व॒स्ति॒ष्ठ॑ । ति॒ष्ठा॒वि॒चा॒च॒लिः॑ । अ॒वि॒चा॒च॒लि॒रि॒त्य॒वि॑ - चा॒च॒लिः॑ ॥

वि॒श॒स्त्वा॑ । त्वा॒ सर्वाः॑ । सर्वा॑ वा॒ञ्छ॒न्तु॑ । वा॒ञ्छ॒न्त्व॒स्मि॒न् ।

अ॒स्मि॒न् रा॒ष्ट्र॒म् । रा॒ष्ट्र॒म॒धि॑ । अ॒धि॑ श्र॒य॑ । श्र॒ये॒ति॑ श्र॒य॑ ॥ अ॒ग्रे॑ बृ॒ह॒न् ।

बृ॒ह॒न्नु॒ष॒सा॒म् । उ॒ष॒सा॒मूर्ध्वः॑ । ऊ॒र्ध्वो॑ अ॒स्था॒त् ।

अ॒स्था॒न् नि॒र्ज॒ग्मि॒वान् । नि॒र्ज॒ग्मि॒वान् त॒म॒सः॑ । नि॒र्ज॒ग्मि॒वा॒नि॒ति॑

निः - ज॒ग्मि॒वान् । त॒म॒सो॑ ज्यो॒ति॒षा॑ । ज्यो॒ति॒षा॑ । आ॒ऽगा॒त् ॥

अ॒गा॒दि॒त्य॒गा॒त् ॥ अ॒ग्नि॒र् भा॒नु॒ना॑ । भा॒नु॒ना॑ रु॒श॒ता॑ । रु॒श॒ता॑ स्व॒ङ्गः॑ ।

स्व॒ङ्ग॑ आ॒ । स्व॒ङ्ग॑ इति॑ सु - अ॒ङ्गः॑ । आ॒ जा॒तः॑ । जा॒तो॑ वि॒श्वा॑ ॥

वि॒श्वा॒ स॒द्मानि॑ । स॒द्मान्य॑प्राः । अ॒प्रा॒ इत्य॑प्राः ॥ सीद॒ त्वम् ।

त्वम् मा॒तुः । मा॒तुर॑स्याः । अ॒स्या॒ उप॑स्थे ॥ 4 (50/52)

T.S.4.2.1.5 - Kramam

उप॑स्थे वि॒श्वा॒नि । उप॑स्थ इत्यु॒प – स्थे॑ । वि॒श्वा॒न्यग्ने॑ ।

अ॒ग्ने॒ व॒यु॒नानि॑ । व॒यु॒नानि॑ वि॒द्वान् । वि॒द्वानि॑ति वि॒द्वान् ॥ मैना॑म् ।

ए॒ना॒मर्चि॑षा ॥ अ॒र्चि॑षा मा । मा तप॑सा । तप॑साऽभि । अ॒भि शू॑शुचः ।

शू॑शुचोऽन्तः । अ॒न्तर॑स्याम् । अ॒स्या॒ शु॒क्रज्यो॑तिः । शु॒क्रज्यो॑तिर्

वि । शु॒क्रज्यो॑तिरिति शु॒क्र – ज्यो॑तिः । वि भा॑हि । भा॒हीति॑ भाहि ॥

अ॒न्तर॑ग्ने । अ॒ग्ने॒ रु॒चा । रु॒चा॒ त्वम् । त्वमु॑खायै ॥ उ॒खा॒यै॒ सद॑ने ।

सद॑ने स्वे । स्व इति॑ स्वे ॥ तस्या॑स्त्वम् । त्वं॑ हर॒सा ।

हर॒सा॒ तप॑न् । तप॑न् जा॒तवे॑दः । जा॒तवे॑दः शि॒वः । जा॒तवे॑द इति॑

जा॒त – वे॑दः । शि॒वो भ॑व । भ॒वेति॑ भव ॥ शि॒वो भू॑त्वा ।

भू॑त्वा म॒ह्यम् । म॒ह्यम॑ग्ने । अ॒ग्नेऽथो॑ । अथो॑ सीद । अथो॑ इत्यथो॑ ।

सीद॑ शि॒वः । शि॒वस्त्वम् । त्वमि॑ति॒ त्वम् ॥ शि॒वाः कृ॑त्वा ।

कृ॑त्वा दि॒शः । दि॒शः सर्वाः॑ । सर्वाः॑ स्वा॒म् । स्वां॑ यो॒निम् ।

यो॒निमि॑ह । इ॒हा । आऽस॑दः । अ॒सद॑ इत्यसदः ॥

ह॒सः शु॒चि॒षत् () । शु॒चि॒षद् वसुः॑ । शु॒चि॒षदि॑ति शु॒चि - सत् ।
वसु॑रन्तरि॒क्षसत्॑ । अ॒न्तरि॒क्षस॑ब्धो॒ता ॥ अ॒न्तरि॒क्षस॑दित्यन्तरि॒क्ष-सत् ।
हो॒ता वेदि॑षत् । वेदि॑षदति॒थिः । वेदि॑षदि॒ति वेदि - सत् ।
अति॑थिर् दुरो॒णसत्॑ । दुरो॒णस॑दि॒ति दुरो॒ण - सत् । नृ॒षद् वर॑सत् ।
नृ॒षदि॑ति नृ - सत् । वर॑सदृ॒तसत्॑ । वर॑सदि॒ति वर - सत् । ऋ॒तसद्
व्यो॒मसत्॑ । ऋ॒तस॑दित्यृ॒त - सत् । व्यो॒मस॑द॒ब्जाः । व्यो॒मस॑दि॒ति
व्यो॒म - सत् । अ॒ब्जा गो॒जाः । अ॒ब्जा इत्य॑प् - जाः । गो॒जा
ऋ॒तजाः॑ । गो॒जा इति॑ गो - जाः । ऋ॒तजा॑ अ॒द्रिजाः॑ । ऋ॒तजा॑
इत्यृ॒त - जाः । अ॒द्रिजा॑ ऋ॒तम् । अ॒द्रिजा॑ इत्य॒द्रि - जाः ।

ऋ॒तम् बृ॒हत् । बृ॒हदि॑ति बृ॒हत् ॥ 5 (66/81)

(दिव॑मनु॒ वि क्र॑मस्व॒ निर्भ॑क्तः स यन् द्वि॒ष्मो वि॒ष्णो - ब्र॑ह्म॒नेना॑ग्ने -

ऽथ॑म - म॒स्याः - शु॒चि॒षत् - षोड॑श च) (A1)

T.S.4.2.2.1 - Kramam

दिव॑स्परि॒ । परि॑ प्रथ॒मम् । प्रथ॑मम् ज॒ज्ञे । ज॒ज्ञे अ॒ग्निः ।
अ॒ग्नि॒रस्म॑त् । अ॒स्मद् द्वि॒तीय॑म् । द्वि॒तीय॑म् परि॒ । परि॑ जा॒तवे॑दाः ।
जा॒तवे॑दा इति॑ जा॒त - वे॒दाः ॥ तृ॒तीय॑म॒प्सु । अ॒प्सु नृ॒मणाः॑ ॥

चतुर्थ काण्डे - द्वितीयः प्रश्नः - (TS 4.2)

अ॒प्सि॒त्यप् - सु॑ । नृ॒मणा॑ अज॒स्रम् । नृ॒मणा॑ इति॑ नृ - म॒नाः ॥
अज॒स्रमि॒न्धानः॑ । इ॒न्धान॑ ए॒नम् । ए॒नम् ज॒रते॑ । ज॒रते॑ स्वा॒धीः ।
स्वा॒धीरि॑ति॒ स्व - धीः॑ ॥ वि॒द्वा ते॑ । ते॒ अ॒ग्ने । अ॒ग्ने त्रे॒धा ।
त्रे॒धा त्रया॑णि । त्रया॑णि वि॒द्वा । वि॒द्वा ते॑ । ते॒ सद्वा॑ । सद्वा॑ वि॒भृत॑म् ।
वि॒भृत॑म् पु॒रुत्रा॑ । वि॒भृत॑मि॒ति वि - भृ॒तम् । पु॒रुत्रे॑ति॒ पु॒रु - त्रा ॥
वि॒द्वा ते॑ । ते॒ नाम॑ । नाम॑ प॒रम॑म् । प॒रम॑म् गु॒हा । गु॒हा यत् ।
यद् वि॒द्वा । वि॒द्वा तम् । तमु॒थ्सम् । उ॒थ्सं य॑तः । यत॑ आ॒जग॑न्थ ।
आ॒जग॑न्थेत्या॒ - जग॑न्थ ॥ स॒मु॒द्रे त्वा॑ । त्वा॒ नृ॒मणाः॑ । नृ॒मणा॑ अ॒प्सु ।
नृ॒मणा॑ इति॑ नृ - म॒नाः । अ॒प्स्वन्तः॑ । अ॒प्सि॒त्यप् - सु॑ ।
अ॒न्तर् नृ॒चक्षाः॑ । नृ॒चक्षा॑ ई॒धे । नृ॒चक्षा॑ इति॑ नृ - च॒क्षाः ।
ई॒धे दि॒वः । दि॒वो अ॒ग्ने । अ॒ग्न ऊ॒धन् । ऊ॒धन्नित्यू॒धन् ॥
तृ॒तीये॑ त्वा । त्वा॒ रज॑सि । 6 (50/56)

T.S.4.2.2.2 - Kramam

रज॑सि तस्त्वि॒वाꣳस॑म् । तस्त्वि॒वाꣳस॑मृ॒तस्य॑ । ऋ॒तस्य॑ यो॒नौ ॥
यो॒नौ म॒हिषाः॑ । म॒हिषा॑ अ॒हिन्व॑न् । अ॒हिन्व॑न्नित्य॒हिन्व॑न् ॥

अ॒क्र॒न्द॒द॒ग्निः॑ । अ॒ग्निः॑ स्त॒न॒य॒न् । स्त॒न॒य॒न्नि॒व । इ॒व द्यौः॑ ।
 द्यौः॑ क्षाम॒ । क्षामा॑ रे॒रि॒हत् । रे॒रि॒हद् वी॒रु॒धः । वी॒रु॒धः स॒म॒ञ्ज॒न् ।
 स॒म॒ञ्ज॒न्निति॑ स॒म् - अ॒ञ्ज॒न् ॥ स॒द्यो ज॒ज्ञानः॑ । ज॒ज्ञानो॑ वि ।
 वि हि॑ । ही॒म् । ई॒मि॒द्धः । इ॒द्धो अ॒ख्य॒त् । अ॒ख्य॒दा । आ रो॒द॒सी ।
 रो॒द॒सी भा॒नुना॑ ॥ रो॒द॒सी इति॑ रो॒द॒सी । भा॒नुना॑ भाति॒ । भा॒त्य॒न्तः ।
 अ॒न्त॒रि॒त्य॒न्तः ॥ उ॒शिक् पा॒व॒कः । पा॒व॒को अ॒रतिः॑ ।
 अ॒रतिः॑ सु॒मे॒धाः । सु॒मे॒धा म॒र्तेषु॑ । सु॒मे॒धा इति॑ सु - मे॒धाः ।
 म॒र्तेष्व॒ग्निः॑ । अ॒ग्निर॒मृतः॑ । अ॒मृतो॑ नि । नि धायि॑ । धायीति॑ धायि ॥
 इ॒य॒र्ति धू॒मम् । धू॒मम॒रुष॑म् । अ॒रुषं॑ भ॒रि॒भ्रत् । भ॒रि॒भ्रदु॑त् । उ॒च्छु॒क्रेण॑ ।
 शु॒क्रेण॑ शो॒चिषा॑ ॥ शो॒चिषा॑ द्याम् । द्यामि॒नक्ष॑त् । इ॒नक्ष॑दिती॒नक्ष॑त् ॥
 वि॒श्वस्य॑ के॒तुः । के॒तुर् भु॒व॒नस्य॑ । भु॒व॒नस्य॑ गर्भः॑ । गर्भ॑ आ ।
 आ रो॒द॒सी । 7 (50/52)

T.S.4.2.2.3 - Kramam

रो॒द॒सी अ॒पृणा॑त् । रो॒द॒सी इति॑ रो॒द॒सी । अ॒पृणा॑ज् जा॒य॒मा॒नः ।
 जा॒य॒मा॒न इति॑ जा॒य॒मा॒नः ॥ वी॒डु॒म् चि॒त् । चि॒द॒द्रि॒म् । अ॒द्रि॒म॒भि॒नत् ।
 अ॒भि॒नत् प॒रा॒य॒न् । प॒रा॒य॒न् ज॒नाः॑ ॥ प॒रा॒य॒न्निति॑ प॒रा - य॒न् ।

चतुर्थ काण्डे - द्वितीयः प्रश्नः - (TS 4.2)

जना यत् । यदग्निम् । अग्निमयजन्त । अयजन्त पञ्च । पञ्चेति
 पञ्च ॥ श्रीणामुदारः । उदारो धरुणः । धरुणो रयीणाम् । रयीणाम्
 मनीषाणाम् । मनीषाणाम् प्रार्पणः । प्रार्पणः सोमगोपाः । प्रार्पण इति
 प्र - अर्पणः । सोमगोपा इति सोम - गोपाः ॥ वसोः सूनुः ।
 सूनुः सहसः । सहसो अप्सु । अप्सु राजा । अप्स्वित्यप् - सु ।
 राजा वि । वि भाति । भात्यग्रै । अग्र उषसाम् । उषसामिधानः ।
 इधान इतीधानः ॥ यस्तै । ते अद्य । अद्य कृणवत् । कृणवद्
 भद्रशोचे । भद्रशोचेऽपूपम् । भद्रशोच इति भद्र - शोचे । अपूपम्
 देव । देव घृतवन्तम् । घृतवन्तमग्ने । घृतवन्तमिति घृत - वन्तम् ।
 अग्न इत्यग्ने ॥ प्र तम् । तम् नय । नय प्रतराम् । प्रतरां वस्यः ।
 प्रतरामिति प्र - तराम् । वस्यो अच्छ । अच्छाभि । अभि द्युम्नम् ।
 द्युम्नम् देवभक्तम् । देवभक्तं यविष्ठ । देवभक्तमिति देव - भक्तम् ।
 यविष्ठेति यविष्ठ । आ तम् । 8 (50/58)

T.S.4.2.2.4 - Kramam

तम् भज । भज सौश्रवसेषु । सौश्रवसेष्वग्ने । अग्न उक्थउक्थे ।
 उक्थउक्थ आ । उक्थउक्थ इत्युक्थे - उक्थे । आ भज ।

भ॒ज॒ श॒स्य॑मा॒ने । श॒स्य॑मा॒न इति॑ श॒स्य॑मा॒ने ॥ प्रि॒यः॑ सूर्ये॑ ॥
 सूर्ये॑ प्रि॒यः । प्रि॒यो अ॒ग्ना । अ॒ग्ना भ॑वाति । भ॒वा॒त्युत् । उ॒ज् जा॑तेन ।
 जा॒तेन॑ भि॒नद॑त् । भि॒नद॑दुत् । उ॒ज् ज॑नित्वैः । ज॑नित्वैरिति॑ ज॑नित्वैः ॥
 त्वा॒मग्ने॑ । अ॒ग्ने य॑ज॒मानाः॑ । य॑ज॒माना॒ अनु॑ । अनु॑ द्यून् ।
 द्यून् विश्वा॑ ॥ विश्वा॑ व॒सूनि॑ । व॒सूनि॑ दधिरे । दधिरे॑ वा॒र्याणि॑ ।
 वा॒र्याणी॑ति॒ वा॒र्याणि॑ ॥ त्वया॑ स॒ह । स॒ह द्र॑विणम् । द्र॑विणमिच्छ॒मानाः॑ ।
 इच्छ॑माना व्र॒जम् । व्र॒जम् गो॑मन्तम् । गो॑मन्तमु॒शिजः॑ । गो॑मन्तमि॒ति
 गो - म॒न्तम् । उ॒शिजो॑ वि । वि व॒व्रुः । व॒व्रुरि॑ति व॒व्रुः ॥ दृ॒शानो॑
 रु॒क्मः । रु॒क्म उ॒र्व्या । उ॒र्व्या वि । व्य॑द्यौत् । अ॒द्यौद् दु॒र्मर्ष॑म् ॥
 दु॒र्मर्ष॑मायुः । दु॒र्मर्ष॑मि॒ति दुः-मर्ष॑म् ॥ आ॒युः श्रि॒ये ।
 श्रि॒ये रु॒चानः॑ । रु॒चान इति॑ रु॒चानः॑ ॥ अ॒ग्नि॒रमृ॑तः । अ॒मृ॒तो अ॑भवत् ।
 अ॒भवद् वयो॑भिः । वयो॑भिर् यत् । वयो॑भिरिति॒ वयः॑ - भिः । यदे॑नम् ।
 ए॒नम् द्यौः॑ । द्यौर॑ज॒नय॑त् () । अ॒ज॒नय॑त् सु॒रेताः॑ ॥
 सु॒रेता इति॑ सु - रेताः ॥ 9 (54/58)

(तृ॒तिये॑ त्वा - गर्भ॑ आ - य॒विष्ठा॑ऽऽ - य - च्च॒त्वारि॑ च) (A2)

चतुर्थ काण्डे - द्वितीयः प्रश्नः - (TS 4.2)

T.S.4.2.3.1 - Kramam

अ॒न्न॒प॒ते ऽन्न॒स्य॑ । अ॒न्न॒प॒त इ॒त्यन्न॑ - प॒ते । अ॒न्न॒स्य॑ नः । नो॒ दे॒हि॒ ।
दे॒ह्यन॑मी॒वस्य॑ । अ॒नमी॒वस्य॑ शु॒ष्मिणः॑ । शु॒ष्मिण॑ इति॑ शु॒ष्मिणः॑ ॥
प्र॒ प्र॒दा॒ता॒रम् । प्र॒दा॒ता॒रम् ता॒रिषः॑ । प्र॒दा॒ता॒रमि॒ति प्र - दा॒ता॒रम् ।
ता॒रिष॑ ऊ॒र्जम्॑ । ऊ॒र्जम्॑ नः । नो॒ धे॒हि॒ । धे॒हि॒ द्वि॒पदे॑ । द्वि॒पदे॑ च॒तुष्प॑दे ।
द्वि॒पद॑ इति॑ द्वि - पदे॑ । च॒तुष्प॑द इति॑ च॒तुः - प॒दे ॥ उ॒दु । उ॒ त्वा ।
त्वा वि॒श्वे॑ ॥ वि॒श्वे॑ दे॒वाः । दे॒वा अ॒ग्ने॑ । अ॒ग्ने॑ भ॒रन्तु॑ ।
भ॒रन्तु॑ चि॒त्तिभिः॑ । चि॒त्तिभि॒रिति॑ चि॒त्ति - भिः॑ ॥ स॒ नः॑ । नो॒ भव॑ ।
भव॑ शि॒वत॑मः । शि॒वत॑मः सु॒प्रती॑कः । शि॒वत॑म इति॑ शि॒व - त॑मः ।
सु॒प्रती॑को वि॒भाव॑सुः । सु॒प्रती॑क इति॑ सु - प्रती॑कः । वि॒भाव॑सु॒रिति॑
वि॒भा-व॑सुः ॥ प्रेत् । इ॒दग्ने॑ । अ॒ग्ने॑ ज्यो॒तिष्मान् । ज्यो॒तिष्मान्॑ या॒हि ।
या॒हि शि॒वेभिः॑ । शि॒वेभि॒र्चिभिः॑ । अ॒र्चिभि॒स्त्वम् ।
अ॒र्चिभि॒रित्य॒र्चि - भिः॑ । त्वमि॒ति॒ त्वम् ॥ बृ॒हद्भि॑र् भानु॒भिः॑ ।
बृ॒हद्भि॑रिति॑ बृ॒हत् - भिः॑ । भानु॒भिर् भा॑सन् । भानु॒भिरिति॑ भानु॒-भिः॑ ।
भा॑सन् मा । मा हि॒ंसीः॑ । हि॒ंसी॒स्तनु॑वा ॥ त॒नुवा॑ प्र॒जाः ।

प्र॒जा इति॑ प्र - जाः ॥ स॒मिधा॑ऽग्निम् । स॒मिधेति॑ सम् - इधा॑ ॥
 अ॒ग्निम् दु॑वस्यत । दु॒वस्य॑त घृ॒तैः । घृ॒तैर् बो॑धयत । बो॒धय॑तातिथिम् ।
 अति॑थिमित्यतिथिम् ॥ आ ऽस्मिन् ॥ 10 (50/59)

T.S.4.2.3.2 - Kramam

अ॒स्मिन् ह॒व्या । ह॒व्या जु॑होतन । जु॒होत॑नेति जुहोतन ॥ प्र॒प्राय॑म् ।
 प्र॒प्रेति॑ प्र - प्र । अ॒यम॑ग्निः । अ॒ग्निर् भर॑तस्य । भर॑तस्य शृ॒ण्वे ।
 शृ॒ण्वे वि॑ । वि यत् । यथ् सूर्यः॑ । सूर्यो॑ न । न रोच॑ते । रोच॑ते बृ॒हत् ।
 बृ॒हद् भाः॑ । भा इति॑ भाः ॥ अ॒भि यः॑ । यः पू॒रुम् । पू॒रुम् पृ॑तनासु ।
 पृ॑तनासु त॒स्थौ । त॒स्थौ दी॑दाय । दी॒दाय॑ दै॒व्यः । दै॒व्यो अति॑थिः ।
 अति॑थिः शि॒वः । शि॒वो नः॑ । न इति॑ नः ॥ आ॒पो दे॑वीः ।
 दे॒वीः प्र॑ति । प्र॑ति गृ॒ह्णी॑त । गृ॒ह्णी॑त भस्म । भस्मै॑तत् । ए॒तथ् स्यो॑ने ।
 स्यो॑ने कृ॒णु॑ध्वम् । कृ॒णु॑ध्वं सु॒रभौ॑ । सु॒रभा॑वु । उ॒ लो॒के । लो॒क
 इति॑ लो॒के ॥ तस्मै॑ नमन्ताम् । न॒मन्ता॑म् जनयः । जनयः सु॒पत्नीः॑ ।
 सु॒पत्नी॑र् मा॒ता । सु॒पत्नी॑रिति सु - पत्नीः । मा॒तेव॑ । इ॒व पु॒त्रम् ।
 पु॒त्रम् बि॑भृत । बि॒भृता॑ सु । स्वे॒नम् । ए॒नमि॑त्ये॒नम् ॥ अ॒फ्स्व॑ग्ने ।
 अ॒फ्स्व॑त्यप् - सु । अ॒ग्ने स॑धिः । स॑धि॒ष्टव॑ । तव॑ सः । 11 (50/53)

T.S.4.2.3.3 - Kramam

सौषधीः । ओषधीरनु । अनु रुद्ध्यसे । रुद्ध्यस इति रुद्ध्यसे ॥
 गर्भे सन् । सन् जायसे । जायसे पुनः । पुनरिति पुनः ॥ गर्भो
 असि । अस्योषधीनाम् । ओषधीनाम् गर्भः । गर्भो वनस्पतीनाम् ।
 वनस्पतीनामिति वनस्पतीनाम् ॥ गर्भो विश्वस्य । विश्वस्य भूतस्य ।
 भूतस्याग्ने । अग्ने गर्भः । गर्भो अपाम् । अपामसि । असीत्यसि ॥
 प्रसद्य भस्मना । प्रसद्येति प्र - सद्य । भस्मना योनिम् । योनिमपः ।
 अपश्च । च पृथिवीम् । पृथिवीमग्ने । अग्न इत्यग्ने ॥ सꣳसृज्य
 मातृभिः । सꣳसृज्येति सम् - सृज्य । मातृभिस्त्वम् । मातृभिरिति
 मातृ - भिः । त्वम् ज्योतिष्मान् । ज्योतिष्मान् पुनः । पुनरा ।
 आऽसदः । असद इत्यसदः ॥ पुनरासद्य । आसद्य सदनम् ।
 आसद्येत्या - सद्य । सदनमपः । अपश्च । च पृथिवीम् ।
 पृथिवीमग्ने । अग्न इत्यग्ने ॥ शेषे मातुः । मातुर् यथा । यथोपस्थे ॥
 उपस्थेऽन्तः । उपस्थ इत्युप - स्थे । अन्तरस्याम् ।
 अस्याꣳ शिवतमः । शिवतम इति शिव - तमः ॥ पुनरूर्जा ।
 ऊर्जा नि । 12 (50/55)

T.S.4.2.3.4 - Kramam

नि॑ वर्त॑स्व । वर्त॑स्व पुनः॑ । पुन॑रग्ने । अ॒ग्न इ॒षा । इ॒षाऽऽयु॑षा ।
 आयु॑षेत्यायु॑षा ॥ पुन॑र् नः । नः॑ पा॒हि । पा॒हि वि॒श्वतः॑ । वि॒श्वत॑ इति॑
 वि॒श्वतः॑ ॥ स॒ह र॒य्या । र॒य्या नि॑ । नि॑ वर्त॑स्व । वर्त॑स्वाग्ने॑ ॥
 अग्ने॑ पि॒न्वस्व॑ । पि॒न्वस्व॑ धारया । धार॑येति॑ धारया ॥ वि॒श्वफि॒स्नया॑
 वि॒श्वतः॑ । वि॒श्वफि॒स्नयेति॑ वि॒श्व-फि॒स्नया॑ । वि॒श्वत॑स्परि॑ । परी॑ति परि॑ ॥
 पुन॑स्त्वा । त्वा॑ ऽऽदि॒त्याः । आ॒दि॒त्या रु॒द्राः । रु॒द्रा वस॑वः । वस॑वः
 सम् । समि॑न्धताम् । इ॒न्धता॑म् पुनः॑ । पुन॑र् ब्र॒ह्माणः॑ । ब्र॒ह्माणो॑
 वसु॑नीथ । वसु॑नीथ य॒ज्ञैः । वसु॑नीथेति॑ वसु - नीथ॑ । य॒ज्ञैरिति॑
 य॒ज्ञैः ॥ घृ॒तेन॑ त्वम् । त्वम् त॒नुवः॑ । त॒नुवो॑ वर्द्धय॑स्व । वर्द्ध॑यस्व
 स॒त्याः । स॒त्याः स॒न्तु । स॒न्तु यज॑मानस्य । यज॑मानस्य का॒माः ।
 का॒मा इति॑ का॒माः ॥ बो॒धा नः॑ । नो॒ अस्य॑ । अस्य॑ वच॑सः ।
 वच॑सो यवि॑ष्ठ । यवि॑ष्ठ म॒हिष्ठ॑स्य । म॒हिष्ठ॑स्य प्र॒भृत॑स्य । प्र॒भृत॑स्य
 स्वधा॑वः । प्र॒भृत॑स्येति॑ प्र - भृत॑स्य । स्वधा॑व इति॑ स्वधा - वः ॥
 पी॑यति त्वः । त्वो॑ अनु॑ () । अनु॑ त्वः । त्वो॑ गृणा॑ति ।

चतुर्थ काण्डे - द्वितीयः प्रश्नः - (TS 4.2)

गृणाति वन्दारुः । वन्दारुस्ते । ते तनुवम् । तनुवं वन्दे । वन्दे
 अग्ने । अग्न इत्यग्ने ॥ स बोधि । बोधि सूरिः । सूरिर् मघवा ।
 मघवा वसुदावा । मघवेति मघ - वा । वसुदावा वसुपतिः ।
 वसुदावेति वसु - दावा । वसुपतिरिति वसु-पतिः ॥ युयोध्यस्मत् ।
 अस्मद् द्वेषांसि । द्वेषांसीति द्वेषांसि ॥ 13 (66/71)

(आ - तवो - जाऽ - नु - षोडश च) (A3)

T.S.4.2.4.1 - Kramam

अपेत । इत वि । वीत । इत वि । वि च । च सर्पत । सर्पतातः ।
 अतो ये । येऽत्र । अत्र स्थ । स्थ पुराणाः । पुराणा ये । ये च ।
 च नूतनाः । नूतना इति नूतनाः ॥ अदादिदम् । इदं यमः ।
 यमोऽवसानम् । अवसानम् पृथिव्याः । अवसानमित्यव - सानम् ।
 पृथिव्या अक्रन् । अक्रन्निमम् । इमम् पितरः । पितरो लोकम् ।
 लोकमस्मै । अस्मा इत्यस्मै ॥ अग्नेर् भस्म । भस्मासि ।
 अस्यग्नेः । अग्नेः पुरीषम् । पुरीषमसि । असि सम्(2)ज्ञानम् ।
 सम्(2)ज्ञानमसि । सम्(2)ज्ञानमिति सम् - ज्ञानम् ।
 असि कामधरणम् । कामधरणम् मयि ।

काम॑धरण॑मिति॑ काम॑ - धरण॑म् । मयि॑ ते । ते काम॑धरण॑म् ।
 काम॑धरण॑म् भूयात् । काम॑धरण॑मिति॑ काम॑ - धरण॑म् ।
 भूया॑दिति॑ भूयात् ॥ सं॑याः । या वः । वः प्रि॒याः । प्रि॒यास्तनु॑वः ।
 तनु॑वः सम् । सम् प्रि॒या । प्रि॒या हृद॑यानि । हृद॑यानि वः ।
 व इति॑ वः ॥ आ॒त्मा वः । वो अ॒स्तु । अ॒स्तु सम्प्रि॑यः । 14 (50/54)

T.S.4.2.4.2 - Kramam

सम्प्रि॑यः सम्प्रि॑याः । सम्प्रि॑य इति॑ सम् - प्रि॒यः । सम्प्रि॑यास्तनु॑वः ।
 सम्प्रि॑या इति॑ सम् - प्रि॒याः । तनु॑वो मम॑ । ममेति॑ मम॑ ॥
 अ॒यꣳ सः । सो अ॒ग्निः । अ॒ग्निर् यस्मि॑न् । यस्मि॑न्त् सोम॑म् ।
 सोम॑मिन्द्रः । इन्द्रः सु॒तम् । सु॒तम् द॒धे । द॒धे ज॒ठरे॑ ॥
 ज॒ठरे॑ वाव॒शानः॑ । वाव॒शान इति॑ वाव॒शानः॑ ॥ सह॒स्रि॒यं वा॑जम् ॥
 वा॑जम॒त्यम् ॥ अ॒त्यम् न । न स॒प्तिम् । स॒प्तिꣳ स॒स॒वान् । स॒स॒वान्त्
 स॒न् । स॒स॒वानिति॑ स-स॒वान् । स॒न्त् स्तू॑यसे । स्तू॑यसे जा॒तवे॑दः ।
 जा॒तवे॑द इति॑ जा॒त - वे॑दः । अ॒ग्ने दि॒वः । दि॒वो अ॑र्णम् ।
 अ॑र्णम॒च्छ । अ॒च्छा जि॑गासि । जि॒गास्य॑च्छ । अ॒च्छा दे॒वान् ।
 दे॒वाꣳ ऊ॒चिषे॑ । ऊ॒चिषे॑ धिष्णि॒याः । धिष्णि॒या ये । य इति॑ ये ॥

चतुर्थ काण्डे - द्वितीयः प्रश्नः - (TS 4.2)

याः परस्तात् । परस्ताद् रोचने । रोचने सूर्यस्य । सूर्यस्य याः ।
याश्च । चावस्तात् । अवस्तादुपतिष्ठन्ते । उपतिष्ठन्त आपः ।
उपतिष्ठन्त इत्युप - तिष्ठन्ते । आप इत्यापः ॥ अग्ने यत् । यत् ते ॥
ते दिवि । दिवि वर्चः । वर्चः पृथिव्याम् । पृथिव्यां यत् ।
यदोषधीषु । ओषधीष्वप्सु । 15 (50/54)

T.S.4.2.4.3 - Kramam

अप्सु वा । अफ्स्वित्यप् - सु । वा यजत्र । यजत्रेति यजत्र ॥
येनान्तरिक्षम् । अन्तरिक्षमुरु । उर्वाततन्थ । आततन्थ त्वेषः ।
आततन्थेत्या - ततन्थ । त्वेषः सः । स भानुः । भानुरर्णवः ।
अर्णवो नृचक्षाः । नृचक्षा इति नृ - चक्षाः ॥ पुरीष्यासो अग्नयः ।
अग्नयः प्रावणेभिः । प्रावणेभिः सजोषसः । प्रावणेभिरिति
प्र - वनेभिः । सजोषस इति स - जोषसः ॥ जुषन्तां हव्यम् ।
हव्यमाहुतम् । आहुतमनमीवाः । आहुतमित्या - हुतम् । अनमीवा
इषः । इषो महीः । महीरिति महीः ॥ इडामग्ने । अग्ने पुरुदंसम् ।
पुरुदंसं सनिम् । पुरुदंसमिति पुरु - दंसम् । सनिम् गोः ।
गोः शश्वत्तमम् । शश्वत्तमं हवमानाय ।

श॒श्वत्त॑ममि॒ति श॒श्वत् - त॒मम् । ह॒व॒मा॒नाय॑ सा॒ध । सा॒धेति॑ सा॒ध ॥
 स्यान् नः । नः सू॒नुः । सू॒नुस्त॑नयः । त॒नयो॑ वि॒जावा॑ ॥ वि॒जावा॑ऽग्ने॑ ॥
 वि॒जावेति॑ वि - जा॒वा ॥ अ॒ग्ने सा॑ । सा ते॑ ॥ ते सु॒मतिः॑ । सु॒मतिर्
 भू॒तु । सु॒मति॑रिति॒ सु - म॒तिः । भू॒त्वस्मे॑ । अ॒स्मे इत्य॑स्मे ॥
 अ॒यम् ते॑ ॥ ते यो॒निः । यो॒निर् ऋ॒त्वियः॑ । ऋ॒त्वियो॑ यतः ।
 यतो॑ जा॒तः । जा॒तो अ॒रोच॑थाः । अ॒रोच॑था इत्य॒रोच॑थाः ॥
 तम् जा॒नन् । जा॒नन् अ॒ग्ने । 16 (50/58)

T.S.4.2.4.4 - Kramam

अ॒ग्न् आ॑ । आ॒ रो॒ह । रो॒हाथ॑ । अथा॑ नः । नो॒ वर्द्ध॑य । वर्द्ध॑या
 र॒यिम् । र॒यिमि॑ति॒ र॒यिम् ॥ चि॒दसि॑ । अ॒सि॒ तया॑ । तया॑ दे॒वतया॑ ।
 दे॒वतया॑ ऽङ्गि॒रस्वत् । अ॒ङ्गि॒रस्वद् ध्रु॒वा । ध्रु॒वा सी॑द ।
 सी॒द परि॑चित् । परि॒चिद॑सि । परि॒चिदि॑ति॒ परि - चि॑त् । अ॒सि॒ तया॑ ॥
 तया॑ दे॒वतया॑ । दे॒वतया॑ ऽङ्गि॒रस्वत् । अ॒ङ्गि॒रस्वद् ध्रु॒वा । ध्रु॒वा
 सी॑द । सी॒द लो॒कम् । लो॒कम् पृ॒ण । पृ॒ण छि॒द्रम् । छि॒द्रम् पृ॒ण ।
 पृ॒णाथो॑ ॥ अथो॑ सी॒द । अथो॑ इत्य॒थो ॥ सी॒द शि॒वा । शि॒वा त्व॑म् ।

त्वमि॒ति॒ त्वम् ॥ इन्द्रा॒ग्नी॒ त्वा ॥ इन्द्रा॒ग्नी॒ इतीन्द्र - अग्नी॒ । त्वा
 बृह॒स्पतिः॑ । बृह॒स्पति॑रस्मिन् । अस्मिन् यो॒नौ॑ । यो॒नाव॑सीषदन् ।
 अ॒सीष॑दन्नित्यसीषदन् ॥ ता अस्य । अ॒स्य॒ सूद॑दोहसः । सूद॑दोहसः
 सोम॑म् । सूद॑दोहस इति सूद - दोह॑सः । सोम॑ श्रीणन्ति ।
 श्रीण॑न्ति पृ॒श्नयः॑ । पृ॒श्नय॑ इति पृ॒श्नयः॑ ॥ जन्म॑न् दे॒वाना॑म् ।
 दे॒वानां॑ वि॒शः । वि॒शस्त्रि॑षु । त्रि॒ष्वा । आ रो॑चने । रो॒चने॑ दि॒वः ।
 दि॒वः इति॑ दि॒वः ॥ 17 (48/52)

(अ॒स्त्वो - ष॑धीषु - जा॒न - त्र॒ष्टाच॑त्वारि॒ंशच्च) (A4)

T.S.4.2.5.1 - Kramam

समि॑तम् । इ॒त॑ सम् । सम् क॑ल्पेथाम् । क॒ल्पे॒था॑ सम्प्रि॑यौ ।
 सम्प्रि॑यौ रोचि॒ष्णू । सम्प्रि॑या॒विति॑ सम् - प्रि॒यौ । रोचि॒ष्णू
 सु॒मन॑स्यमा॒नौ । रोचि॒ष्णू इति॑ रोचि॒ष्णू । सु॒मन॑स्यमा॒नाविति॑
 सु - म॒न॑स्यमा॒नौ ॥ इ॒षमूर्ज॑म् । ऊ॒र्ज॑म॒भि । अ॒भि॒ सम्॑व॒सानौ॑ ।
 सम्॑व॒सानौ॑ सम् । सम्॑व॒साना॒विति॑ सम् - व॒सानौ॑ । सं॑ वाम् ।
 वाम् म॒ना॑सि । म॒ना॑सि सम् । सं॑ व्र॒ता । व्र॒ता॑ सम् । समु॑ ।
 उ॒ चि॒त्तानि॑ । चि॒त्तान्या॑ । आ॒ऽकर॑म् । अ॒कर॑मित्य॒कर॑म् ॥

अग्ने॑ पुरी॒ष्य । पुरी॒ष्याधि॒पाः । अधि॒पा भव॑ । अधि॒पा इत्यधि॑-पाः ।
 भवा॑ त्वम् । त्वम् नः॑ । न इति॑ नः ॥ इष॑मूर्जम् । ऊर्जं॑ यज॑मानाय ।
 यज॑मानाय धेहि॑ । धेहीति॑ धेहि ॥ पुरी॒ष्यस्त्वम् । त्वमग्ने॑ । अग्ने॑
 रयि॒मान् । रयि॒मान् पुष्टि॒मान् । रयि॒मानिति॑ रयि॒मान् । पुष्टि॒माँ अ॒सि ।
 पुष्टि॒मानिति॑ पुष्टि - मान् । अ॒सीत्य॑सि ॥ शि॒वाः कृ॒त्वा । कृ॒त्वा
 दि॒शः । दि॒शः सर्वाः॑ । सर्वाः॑ स्वा॒म् । स्वां॑ यो॒निम् । यो॒निमि॑ह ।
 इ॒हा । आऽस॑दः । अ॒सद॑ इत्य॒सदः ॥ भव॑तम् नः । नः॑ सम॒नसौ॑ ।
 सम॒नसौ॑ समो॒कसौ॑ । सम॒नसा॒विति॑ स - म॒नसौ॑ ।
 समो॒कसा॒वरेप॑सौ । समो॒कसा॒विति॑ सम् - ओ॒कसौ॑ । 18 (50/58)

T.S.4.2.5.2 - Kramam

अ॒रेप॑सा॒वित्य॑रेप॒सौ ॥ मा य॒ज्ञम् । य॒ज्ञँ हिँ॑सिष्टम् । हिँ॑सिष्टम् मा ।
 मा य॒ज्ञप॑तिम् । य॒ज्ञप॑तिम् जा॒तवे॑दसौ । य॒ज्ञप॑तिमि॒ति य॒ज्ञ - प॑तिम् ।
 जा॒तवे॑दसौ शि॒वौ । जा॒तवे॑दसा॒विति॑ जा॒त - वे॑दसौ । शि॒वौ भव॑तम् ।
 भव॑तमद्य॑ । अद्य॑ नः । न इति॑ नः ॥ मा॒तेव॑ । इ॒व पु॒त्रम् । पु॒त्रम्
 पृ॒थि॒वी । पृ॒थि॒वी पुरी॒ष्यम् । पुरी॒ष्यम॒ग्निम् । अ॒ग्निँ॑ स्वे । स्वे यो॒नौ ॥
 यो॒नाव॑भाः । अ॒भा॒रु॒खा । उ॒खे॒त्यु॒खा ॥ तां॑ विश्वैः॑ । विश्वै॑र् दे॒वैः ।

चतुर्थ काण्डे - द्वितीयः प्रश्नः - (TS 4.2)

दे॒वैर् ऋ॒तुभिः॑ । ऋ॒तुभिः॑ सम्॒वि॒दानः॑ । ऋ॒तुभि॒रित्यृ॑तु - भिः॑ ।
सम्॒वि॒दानः॑ प्र॒जाप॑तिः । सम्॒वि॒दान॑ इति॒ सम् - वि॒दानः॑ । प्र॒जाप॑तिर्
वि॒श्वक॑र्मा । प्र॒जाप॑तिरिति॒ प्रजा॑ - प॒तिः॑ । वि॒श्वक॑र्मा वि । वि॒श्वक॑र्मेति॒
वि॒श्व - क॑र्मा । वि मुञ्च॑तु । मुञ्च॑त्विति॒ मुञ्च॑तु ॥ यद॒स्य । अ॒स्य
पा॒रे । पा॒रे रज॑सः । रज॑सः शु॒क्रम् । शु॒क्रम् ज्यो॑तिः । ज्यो॑तिरजा॒यत ।
अजा॑यतेत्यजा॒यत ॥ तम् नः॑ । नः प॒रुष॑त् । प॒रुष॑दति॒ । अति॑ द्विषः॑ ।
द्विषो॑ऽग्ने॑ ॥ अग्ने॑ वैश्वान॒र । वैश्वान॒र स्वाहा॑ । स्वाहेति॒ स्वाहा॑ ॥
नमः॑ सु । सु ते॑ ॥ ते नि॒र्ऋ॒ते । नि॒र्ऋ॒ते वि॒श्वरू॑पे ।
नि॒र्ऋ॒त इति॑ निः - ऋ॒ते । वि॒श्वरू॑पेऽय॒स्मय॑म् ।
वि॒श्वरू॑प इति॒ विश्व॑ - रू॒पे । 19 (50/58)

T.S.4.2.5.3 - Kramam

अ॒य॒स्मय॑म् वि । वि चृ॑त । चृ॒ता ब॒न्धम् । ब॒न्धमे॒तम् । ए॒तमि॒त्ये॒तम् ॥
यमे॒न त्व॑म् । त्वं य॒म्या ॥ य॒म्या सम्॒वि॒दाना॑ । सम्॒वि॒दानो॒त्त॒मम् ।
सम्॒वि॒दाने॑ति॒ सम् - वि॒दाना॑ । उ॒त्त॒मम् ना॒कम् ।
उ॒त्त॒ममि॒त्युत् - त॒मम् । ना॒कम॑धि । अधि॑ रोह॒य । रो॒हये॒मम् ।
इ॒ममि॒ती॒मम् ॥ यत् ते॑ ॥ ते दे॒वी । दे॒वी नि॒र्ऋ॒तिः ।

निर्ऋतिराबबन्ध । निर्ऋतिरिति निः - ऋतिः । आबबन्ध दाम ।
 आबबन्धेत्या - बबन्ध । दाम ग्रीवासु । ग्रीवास्वविचर्त्यम् ।
 अविचर्त्यमित्यवि-चर्त्यम् ॥ इदम् ते । ते तत् । तद् वि । विष्यामि ।
 स्याम्यायुषः । आयुषो न । न मद्ध्यात् । मद्ध्यादथ । अथा जीवः ।
 जीवः पितुम् । पितुमद्धि । अद्धि प्रमुक्तः । प्रमुक्त इति प्र - मुक्तः ॥
 यस्यास्ते । ते अस्याः । अस्याः क्रूरे । क्रूर आसन् । आसन्
 जुहोमि । जुहोम्येषाम् । एषाम् बन्धानाम् । बन्धानामवसर्जनाय ।
 अवसर्जनायेत्यव - सर्जनाय ॥ भूमिरिति । इति त्वा ।
 त्वा जनाः । जनाविदुः । विदुर् निर्ऋतिः ।

निर्ऋतिरिति निः - ऋतिः । 20 (50/54)

T.S.4.2.5.4 - Kramam

इति त्वा । त्वाऽहम् । अहम् परि । परि वेद । वेद विश्वतः ।
 विश्वत इति विश्वतः ॥ असुन्वन्तमयजमानम् । अयजमानमिच्छ ।
 इच्छ स्तेनस्य । स्तेनस्येत्याम् । इत्याम् तस्करस्य । तस्करस्यानु ।
 अन्वेषि । एषीत्येषि ॥ अन्यमस्मत् । अस्मदिच्छ । इच्छ सा ।

चतुर्थ काण्डे - द्वितीयः प्रश्नः - (TS 4.2)

सा ते । त इत्या । इत्या नमः । नमो देवि । देवि निर्ऋते ।
 निर्ऋते तुभ्यम् । निर्ऋत इति निः - ऋते । तुभ्यमस्तु ।
 अस्त्वयस्तु ॥ देवीमहम् । अहम् निर्ऋतिम् । निर्ऋतिं वन्दमानः ।
 निर्ऋतिमिति निः - ऋतिम् । वन्दमानः पिता । पितेव । इव पुत्रम् ।
 पुत्रम् दसये । दसये वचोभिः । वचोभिरिति वचः - भिः ॥
 विश्वस्य या । या जायमानस्य । जायमानस्य वेद । वेद शिरशिशरः ।
 शिरशिशरः प्रति । शिरशिशर इति शिरः - शिरः । प्रति सूरी ।
 सूरी वि । वि चष्टे । चष्ट इति चष्टे ॥ निवेशनः सङ्गमनः ।
 निवेशन इति नि - वेशनः । सङ्गमनो वसूनाम् । सङ्गमन इति
 सम् - गमनः । वसूनां विश्वा । विश्वा रूपा । रूपाऽभि ।
 अभि चष्टे । चष्टे शचीभिः । 21 (50/55)

T.S.4.2.5.5 - Kramam

शचीभिरिति शचि - भिः ॥ देव इव । इव सविता । सविता
 सत्यधर्मा । सत्यधर्मेन्द्रः । सत्यधर्मेति सत्य - धर्मा । इन्द्रो न ।
 न तस्थौ । तस्थौ समरे । समरे पथीनाम् । समर इति सम् - अरे ।
 पथीनामिति पथीनाम् ॥ सं वरत्राः । वरत्रा दधातन । दधातन निः ।

निराहा॒वान् । आ॒हा॒वान् कृ॒णो॒तन॑ । आ॒हा॒वानि॒त्या ॥ - हा॒वान् ।
 कृ॒णो॒तने॑ति॒ कृ॒णो॒तन॑ ॥ सि॒ञ्चाम॑हा॒ अव॒टम् । अ॒व॒टमु॒द्रिण॑म् । उ॒द्रिणं॑
 व॒यम् । व॒यं विश्वा॑ ॥ विश्वा॑ऽहा॒ । अहा॑ऽदस्तम् । अ॒दस्त॑म॒क्षित॑म् ।
 अ॒क्षित॑मित्य॒क्षित॑म् ॥ निष्कृ॑ताहा॒वम॒वट॑म् । निष्कृ॑ताहा॒वमि॒ति
 निष्कृ॑त - आ॒हा॒वम् । अ॒व॒टं सु॒वर॒त्रम् । सु॒वर॒त्रं सु॒षे॒चन॑म् ।
 सु॒वर॒त्रमि॒ति सु॒ - व॒र॒त्रम् । सु॒षे॒चन॑मि॒ति सु॒ - से॒चन॑म् । उ॒द्रिणं॑
 सि॒ञ्चे । सि॒ञ्चे॒ अ॒क्षित॑म् । अ॒क्षित॑मित्य॒क्षित॑म् ॥ सी॒रा यु॒ञ्जन्ति॑ ।
 यु॒ञ्जन्ति॑ क॒वयः॑ । क॒वयो॑ यु॒गा । यु॒गा वि॑ । वि॒ तन्व॑ते ।
 तन्व॑ते पृथक् । पृथ॒गिति॑ पृथक् ॥ धी॒रा दे॒वेषु॑ । दे॒वेषु॑ सु॒म्नया॑ ।
 सु॒म्नये॑ति॒ सु॒म्नया॑ ॥ यु॒नक्त॑ सी॒रा ॥ सी॒रा वि॑ । वि॒ यु॒गा ।
 यु॒गा त॒नोत॑ । त॒नोत॑ कृ॒ते । कृ॒ते यो॒नौ ॥ यो॒नौ व॑पत । व॒पते॒ह ।

इ॒ह बी॒जम् ॥ 22 (50/55)

T.S.4.2.5.6 - Kramam

बी॒जमि॒ति बी॒जम् ॥ गि॒रा च॑ । च॒ श्रु॒ष्टिः । श्रु॒ष्टिः स॒भराः॑ ।
 स॒भरा॑ अ॒सत् । स॒भरा॑ इति॒ स - भ॒राः । अ॒सन् नः॑ । नो॒ ने॒दीयः॑ ।
 ने॒दीय॑ इत् । इ॒थ् सृ॒ण्या । सृ॒ण्या प॒क्वम् । प॒क्वमा॑ । आ॒ऽयत् ।

चतुर्थ काण्डे - द्वितीयः प्रश्नः - (TS 4.2)

अ॒य॒दि॒त्य॒यत् ॥ ला॒ङ्ग॒ल॒म् प॒वी॒र॒व॒म् । प॒वी॒र॒व॒ञ् सु॒शे॒व॒म् ॥
 सु॒शे॒व॒ञ् सु॒म॒ति॒त्स॒रु॒ । सु॒शे॒व॒मि॒ति॒ सु - शे॒व॒म् ॥ सु॒म॒ति॒त्स॒र्वि॒ति॒
 सु॒म॒ति॒त् - स॒रु॒ ॥ उ॒दि॒त् । इ॒त् कृ॒ष॒ति॒ । कृ॒ष॒ति॒ गा॒म् । गा॒म॒वि॒म् ।
 अ॒वि॒म् प्र॒फ॒र्व्य॒म् । प्र॒फ॒र्व्य॒म् च॒ । प्र॒फ॒र्व्य॒मि॒ति॒ प्र - फ॒र्व्य॒म् ॥
 च॒ पी॒व॒री॒म् । पी॒व॒री॒मि॒ति॒ पी॒व॒री॒म् ॥ प्र॒स्था॒व॒द् रथ॒वा॒ह॒न॒म् ।
 प्र॒स्था॒व॒दि॒ति॒ प्र॒स्थ॒-व॒त् । रथ॒वा॒ह॒न॒मि॒ति॒ रथ॒-वा॒ह॒न॒म् ॥ शु॒न॒म् नः॑ ।
 नः॑ फा॒लाः॑ । फा॒ला॒ वि॒ । वि॒ तु॒द॒न्तु॑ । तु॒द॒न्तु॑ भू॒मि॒म् ॥
 भू॒मि॒ञ् शु॒न॒म् । शु॒न॒म् की॒ना॒शाः॑ । की॒ना॒शा॒ अ॒भि॒ । अ॒भि॒ य॒न्तु॑ ।
 य॒न्तु॑ वा॒हान् । वा॒हा॒नि॒ति॒ वा॒हान् ॥ शु॒न॒म् पर्ज॑न्यः । पर्ज॑न्यो मधु॒ना॑ ।
 मधु॒ना॑ प॒यो॒भिः॑ । प॒यो॒भिः॑ शु॒ना॒सी॒रा॑ । प॒यो॒भि॒रि॒ति॒ प॒यः - भिः॑ ।
 शु॒ना॒सी॒रा॑ शु॒न॒म् । शु॒न॒म॒स्मा॒सु॑ । अ॒स्मा॒सु॑ ध॒त्त॒म् । ध॒त्त॒मि॒ति॑
 ध॒त्त॒म् ॥ का॒म॒म् का॒म॒दु॒घे॑ । का॒म॒दु॒घे॑ धु॒क्ष्व॑ । का॒म॒दु॒घ इति॑
 का॒म - दु॒घे॑ । धु॒क्ष्व॑ मि॒त्राय॑ () । मि॒त्राय॑ वरु॒णाय॑ । वरु॒णाय॑ च॒ ।
 चेति॑ च ॥ इन्द्रा॑या॒ग्नये॑ । अ॒ग्नये॑ पू॒ष्णे॑ । पू॒ष्ण॑ ओष॒धी॒भ्यः॑ ।
 ओष॒धी॒भ्यः॑ प्र॒जा॒भ्यः॑ । ओष॒धी॒भ्य इत्यो॑षधि - भ्यः॑ ।

तैत्तिरीय संहिता क्रम पाठे (TS 4.2)

प्रजाभ्य इति प्र - जाभ्यः ॥ घृतेन सीता । सीता मधुना । मधुना
समक्ता । समक्ता विश्वैः । समक्तेति सम् - अक्ता । विश्वैर् देवैः ।
देवैरनुमता । अनुमता मरुद्धिः । अनुमतेत्यनु - मता ।
मरुद्धिरिति मरुत् - भिः ॥ ऊर्जस्वती पयसा । पयसा पिन्वमाना ।
पिन्वमानाऽस्मान् । अस्मान्त् सीते । सीते पयसा । पयसा
ऽभ्याववृथस्व । अभ्याववृथस्वेत्यभि - आववृथस्व ॥ 23 (72/81)

(समोकसौ - विश्वरूपे - विदुर्निर्ऋति - रभि चष्ट - इह -

मित्राय - द्वाविंशतिश्च) (A5)

T.S.4.2.6.1 - Kramam

या जाताः । जाता ओषधयः । ओषधयो देवेभ्यः । देवेभ्य स्त्रियुगम् ।
त्रियुगम् पुरा । त्रियुगमिति त्रि - युगम् । पुरेति पुरा ॥ मन्दामि
बभ्रूणाम् । बभ्रूणामहम् । अहं शतम् । शतम् धामानि । धामानि
सप्त । सप्त च । चेति च ॥ शतं वः । वो अम्ब । अम्ब धामानि ।
धामानि सहस्रम् । सहस्रमुत । उत वः । वो रुहः । रुह इति रुहः ॥
अथा शतक्रत्वः । शतक्रत्वो यूयम् । शतक्रत्व इति शत - क्रत्वः ।

चतुर्थ काण्डे - द्वितीयः प्रश्नः - (TS 4.2)

यू॒य॒मि॒मम् । इ॒मम् मे॑ । मे॒ अ॒ग॒दम् । अ॒ग॒दम् कृ॒त । कृ॒ते॒ति कृ॒त ॥
पु॒ष्पा॒व॒तीः प्र॒सू॒व॒तीः । पु॒ष्वा॒व॒ती॒रि॒ति पु॒ष्प - व॒तीः ।
प्र॒सू॒व॒तीः फ॒लि॒नीः । प्र॒सू॒व॒ती॒रि॒ति प्र - सू॒व॒तीः । फ॒लि॒नी॒र॒फ॒लाः ।
अ॒फ॒ला उ॒त । उ॒ते॒त्यु॒त ॥ अ॒श्वा इ॒व । इ॒व स॒जि॒त्व॒रीः । स॒जि॒त्व॒रीर्
वी॒रु॒धः । स॒जि॒त्व॒री॒रि॒ति स - जि॒त्व॒रीः । वी॒रु॒धः पा॒र॒यि॒ष्णा॒वः ।
पा॒र॒यि॒ष्णा॒व इ॒ति पा॒र॒यि॒ष्णा॒वः ॥ ओ॒ष॒धी॒रि॒ति । इ॒ति मा॒तरः ।
मा॒तर॒स्तत् । तद् वः । वो॒ दे॒वीः । दे॒वी॒रु॒प । उप॑ ब्रु॒वे । ब्रु॒व इ॒ति
ब्रु॒वे ॥ र॒पा॒सि॒ वि॒घ्न॒तीः । वि॒घ्न॒ती॒रि॒ति । वि॒घ्न॒ती॒रि॒ति वि - घ्न॒तीः ।
इ॒त र॒पः । र॒पश्चा॒त॒य॒मा॒नाः । 24 (50/56)

T.S.4.2.6.2 - Kramam

चा॒त॒य॒मा॒ना इ॒ति चा॒त॒य॒मा॒नाः ॥ अ॒श्व॒त्थे वः । वो॒ नि॒ष॒द॒नम् ।
नि॒ष॒द॒नम् प॒र्णे । नि॒ष॒द॒न॒मि॒ति नि॒-स॒द॒नम् । प॒र्णे वः । वो॒ व॒स॒तिः ।
व॒स॒तिः कृ॒ता । कृ॒ते॒ति कृ॒ता ॥ गो॒भा॒ज इ॒त् । गो॒भा॒ज इ॒ति
गो - भा॒जः । इ॒त् किल॑ । किल॑ा॒स॒थ । अ॒स॒थ यत् । यत् स॒न॒व॒थ ।
स॒न॒व॒थ पू॒रु॒षम् । पू॒रु॒ष॒मि॒ति पू॒रु॒षम् ॥ य॒द॒हम् । अ॒हं वा॒ज॒य॒न् ।
वा॒ज॒य॒न्नि॒माः । इ॒मा ओ॒ष॒धीः । ओ॒ष॒धी॒र् ह॒स्ते । ह॒स्त आ॒द॒धे ।

आ॒द॒ध इ॒त्या – द॒धे ॥ आ॒त्मा य॒क्ष्म॒स्य । य॒क्ष्म॒स्य न॒श्यति॑ ।
 न॒श्यति॑ पु॒रा । पु॒रा जी॒व॒गृ॒भः । जी॒व॒गृ॒भो यथा॑ । जी॒व॒गृ॒भ इति॑
 जीव – गृ॒भः । यथेति॑ यथा ॥ यदो॒ष॒धयः॑ । ओष॒धयः॑ स॒ङ्ग॒च्छन्ते॑ ।
 स॒ङ्ग॒च्छन्ते॑ रा॒जा॒नः । स॒ङ्ग॒च्छन्त॑ इति॑ सम् – ग॒च्छन्ते॑ । रा॒जा॒नः
 स॒मि॒तौ । स॒मि॒ता॒वि॒व । स॒मि॒ता॒वि॒ति सम् – इ॒तौ । इ॒वेती॑व ॥
 वि॒प्रः सः॑ । स उ॒च्यते॑ । उ॒च्यते॑ भि॒षक् । भि॒षग् र॒क्षो॒हा ।
 र॒क्षो॒हाऽमी॑व॒चा॒तनः॑ । र॒क्षो॒हेति॑ र॒क्षः – हा । अ॒मी॒व॒चा॒तन॑
 इत्य॑मी॒व – चा॒तनः॑ ॥ निष्कृ॑तिर् नाम । निष्कृ॑तिरिति॑ निः – कृ॒तिः ।
 नाम॑ वः । वो मा॒ता । मा॒ताऽथ॑ । अथा॑ यू॒यम् । यू॒य॒ स्थ॑ ।
 स्थ॑ स॒ङ्कृ॑तीः । स॒ङ्कृ॑तीरिति॑ सम् – कृ॒तीः ॥ स॒राः प॒त॒त्रिणीः॑ ।
 प॒त॒त्रिणीः॑ स्थन॑ । 25 (50/57)

T.S.4.2.6.3 - Kramam

स्थ॒न यत् । यदा॑म॒यति॑ । आ॒म॒यति॑ निः । निष्कृ॑त । कृ॒तेति॑ कृत ॥
 अ॒न्या वः॑ । वो अ॒न्याम् । अ॒न्याम॑वतु । अ॒व॒त्व॒न्या । अ॒न्याऽन्य॑स्याः ॥
 अ॒न्यस्या॑ उप॑ । उपा॑वत । अ॒व॒तेत्य॑वत ॥ ताः सर्वाः॑ ।
 सर्वा॑ ओष॒धयः॑ । ओष॒धयः॑ सम्॑वि॒दा॒नाः । सम्॑वि॒दा॒ना इ॒दम् ।

चतुर्थ काण्डे - द्वितीयः प्रश्नः - (TS 4.2)

स॒म्वि॒दाना॑ इति॒ सम् - वि॒दानाः॑ । इ॒दम् मे॑ ॥ मे॒ प्र । प्रा॒वत॑ ।
अ॒वता॑ वचः । वच॑ इति॒ वचः॑ ॥ उ॒च्छु॒ष्माः॑ । शु॒ष्मा ओष॑धीनाम् ।
ओष॑धीनाम् गावः । गावो॑ गो॒ष्ठात् । गो॒ष्ठादिव॑ । गो॒ष्ठादिति॑
गो - स्थात् । इ॒वे॒रते॑ । ई॒रत॑ इती॒रते॑ ॥ धन॑ꣳ स॒निष्य॑न्तीनाम् ।
स॒निष्य॑न्तीनामा॒त्मानम्॑ ॥ आ॒त्मानम्॑ तव । तव॑ पू॒रुष॑ । पू॒रुषेति॑
पू॒रुष॑ ॥ अति॑ विश्वाः । विश्वाः॑ परि॒ष्ठाः । परि॒ष्ठाः स्तेनः॑ ।
परि॒ष्ठा इति॑ परि - स्थाः । स्तेन॑ इव । इ॒व व्र॒जम् । व्र॒जम॑क्रमुः ।
अ॒क्रमु॑रित्य॒क्रमुः॑ ॥ ओष॑धयः प्र । प्रा॒चु॒च्यवुः॑ । अ॒चु॒च्यवु॑र् यत् ।
यत् किम् । किञ्च॑ । च॒ त॒नुवाम्॑ । त॒नुवाꣳ रपः॑ । रप॑ इति॒ रपः॑ ॥
यास्ते॑ ॥ 26 (50/53)

T.S.4.2.6.4 - Kramam

त आ॒तस्थुः॑ । आ॒तस्थु॑रा॒त्मानम्॑ ॥ आ॒तस्थु॑रि॒त्या - तस्थुः॑ ।
आ॒त्मानं॑ याः । या आ॒वि॒विशुः॑ । आ॒वि॒विशुः॑ परुः॑परुः ।
आ॒वि॒विशु॑रि॒त्या - वि॒विशुः॑ । परुः॑परु॒रिति॑ परुः॑ - परुः॑ ॥ तास्ते॑ ॥
ते यक्ष॑मम् । यक्ष॑मं वि॒ । वि॒ बा॒धन्ता॑म् । बा॒धन्ता॑मु॒ग्रः ।
उ॒ग्रो म॑द्ध्यम॒शीः । म॑द्ध्यम॒शीरिव॑ ।

म॒द्ध्य॒म॒शी॒रिति॑ म॒द्ध्य॒म - शीः॑ । इ॒वे॒ती॒व ॥ सा॒कं॑ य॒क्ष्म । य॒क्ष्म
 प्र । प्र॒ प॒त । प॒त॒ श्ये॒ने॒न । श्ये॒ने॒न॑ कि॒कि॒दी॒वि॒ना ॥ कि॒कि॒दी॒वि॒ने॒ति
 कि॒कि॒दी॒वि॒ना ॥ सा॒कं॑ वा॒त॒स्य॑ । वा॒त॒स्य॑ ध्रा॒ज्या॑ । ध्रा॒ज्या॑ सा॒क॒म् ।
 सा॒क॒म् न॒श्य॑ । न॒श्य॑ नि॒हा॒क॒या॑ । नि॒हा॒क॒ये॒ति॑ नि - हा॒क॒या॑ ।
 अ॒श्वा॒व॒ती॒ꣳ सो॒म॒व॒ती॒म् । अ॒श्वा॒व॒ती॒मि॒त्य॑श्च - व॒ती॒म् ।
 सो॒म॒व॒ती॒मूर्ज॑य॒न्ती॒म् । सो॒म॒व॒ती॒मि॒ति॑ सो॒म - व॒ती॒म् ।
 ऊ॒र्ज॑य॒न्ती॒मु॒दो॒ज॒स॒म् । उ॒दो॒ज॒स॒मि॒त्यु॒त् - ओ॒ज॒स॒म् ॥ आ॑ वि॒थि॒स्मि ।
 वि॒थि॒स्मि॑ सर्वाः॑ । सर्वा॑ ओ॒ष॒धीः॑ । ओ॒ष॒धी॒र॒स्मै॑ । अ॒स्मा॑ अ॒रि॒ष्ट॒ता॒त॒ये॑ ।
 अ॒रि॒ष्ट॒ता॒त॒ये॑ इ॒त्य॒रि॒ष्ट - ता॒त॒ये ॥ याः॑ फ॒लि॒नीः॑ । फ॒लि॒नी॒र् याः॑ ।
 या॑ अ॒फ॒लाः॑ । अ॒फ॒ला॑ अ॒पु॒ष्पाः॑ । अ॒पु॒ष्पा॑ याः॑ । या॑श्च ।
 च॒ पु॒ष्पि॒णीः॑ । पु॒ष्पि॒णी॒रिति॑ पु॒ष्पि॒णीः॑ ॥ बृ॒ह॒स्प॒ति॒प्र॒सू॒ता॒स्ताः॑ ।
 बृ॒ह॒स्प॒ति॒प्र॒सू॒ता॒ इति॑ बृ॒ह॒स्प॒ति - प्र॒सू॒ताः॑ । ता॑ नः॑ । नो॑ मु॒ञ्च॒न्तु॑ ।
 मु॒ञ्च॒न्त्व॒ह॒सः॑ । अ॒ह॒स॒ इत्य॑ह॒सः॑ ॥ या॑ ओ॒ष॒ध॒यः॑ । 27

(50/56)

T.S.4.2.6.5 - Kramam

ओष॑धयः॒ सोम॑राज्ञीः । सोम॑राज्ञीः॒ प्रवि॑ष्टाः । सोम॑राज्ञीरिति॒
 सोम॑ – रा॒ज्ञीः । प्रवि॑ष्टाः पृथि॒वीम् । प्रवि॑ष्टा इति॒ प्र – वि॒ष्टाः ।
 पृथि॑वीमनु । अन्वि॑त्यनु ॥ तासा॑म् त्वम् । त्वम॑सि । अ॒स्यु॒त्त॒मा ।
 उ॒त्त॒मा प्र । उ॒त्त॒मेत्यु॑त्-त॒मा । प्र णः॑ । नो जी॒वात॑वे । जी॒वात॑वे सुव ।
 सु॒वेति॑ सुव ॥ अ॒वप॑तन्तीरवदन् । अ॒वप॑तन्तीरित्यव – पत॑न्तीः ।
 अ॒वद॑न् दिवः । दि॒व ओष॑धयः । ओष॑धयः परि । परी॑ति परि ॥
 यम् जी॒वम् । जी॒वम॑श्नवामहै । अ॒श्नवाम॑है न । न सः॑ ।
 स रि॑ष्याति । रि॑ष्याति पू॒रुषः॑ । पू॒रुष इति॑ पू॒रुषः॑ ॥ याश्च॑ । चे॒दम् ।
 इ॒दमु॑पशृण्वन्ति । उ॒पशृ॑ण्वन्ति याः । उ॒पशृ॑ण्वन्तीत्युप – शृ॑ण्वन्ति ।
 याश्च॑ । च दू॒रम् । दू॒रम् प॑रागताः । प॑रागता इति॒ प॒रा – ग॒ताः ॥
 इ॒ह स॒ङ्गत्य॑ । स॒ङ्गत्य॑ ताः । स॒ङ्गत्येति॑ सम् – ग॒त्य॑ । ताः सर्वाः॑ ॥
 सर्वा॑ अ॒स्मै । अ॒स्मै सम् । सम् द॑त्त । द॒त्त भे॒षज॑म् । भे॒षज॑मिति॒
 भे॒षज॑म् ॥ मा वः॑ । वो रि॑षत् । रि॑षत् ख॒निता॑ । ख॒निता॑ यस्मै॑ ॥
 यस्मै॑ च । चा॒हम् । अ॒हम् ख॑नामि । ख॑नामि वः () । व इति॑ वः ।
 द्वि॒पच्च॑तुष्पत् । द्वि॒पदि॑ति द्वि – प॒त् । च॑तुष्पदस्माकम् ॥

चतु॑ष्प॒दिति॑ चतुः॑ - प॒त् । अ॒स्माक॑ꣳ सर्व॑म् । सर्व॑म॒स्तु ।
 अ॒स्त्वना॑तुरम् । अना॑तुर॒मित्यना॑-तुरम् ॥ ओष॑धयः॒ सम् । सं व॑दन्ते ।
 वद॑न्ते सोम॑ेन । सोम॑ेन स॒ह । स॒ह राज्ञा॑ ॥ राज्ञे॑ति राज्ञा॑ ॥
 यस्मै॑ क॒रोति॑ । क॒रोति॑ ब्राह्म॑णः । ब्राह्म॑णस्तम् । तꣳ राज॑न् ।
 राज॑न् पार॒यामसि॑ । पार॒यामसी॑ति पार॒यामसि॑ ॥ 28 (68/76)

(रपः॑ - प॒त॒त्रिणी॑ - र्या॑ - अꣳह॑सो याः - ख॑नामि वो -
 ष्ठा॑दश च) (A6)

T.S.4.2.7.1 - Kramam

मा नः॑ । नो हि॑ꣳसीत् । हि॑ꣳसीज् ज॒निता॑ । ज॒निता॑ यः ।
 यः पृ॑थि॒व्याः । पृ॑थि॒व्या यः॑ । यो वा॑ ॥ वा॒ दिव॑म् । दिवꣳ स॒त्यध॑र्मा ।
 स॒त्यध॑र्मा ज॒जान॑ । स॒त्यध॑र्मेति स॒त्य - ध॑र्मा । ज॒जाने॑ति ज॒जान॑ ॥
 यश्च॑ । चा॒पः । अ॒पश्च॑न्द्राः । च॒न्द्रा बृ॑हतीः । बृ॒हती॑र् ज॒जान॑ ।
 ज॒जान॑ क॒स्मै ॥ क॒स्मै दे॒वाय॑ । दे॒वाय॑ ह॒विषा॑ । ह॒विषा॑ वि॒धेम॑ ।
 वि॒धेमे॑ति वि॒धेम॑ ॥ अ॒भ्याव॑र्तस्व पृथि॒वि ।
 अ॒भ्याव॑र्तस्वेत्य॒भि - आ॑वर्तस्व । पृथि॒वि य॒ज्ञेन॑ । य॒ज्ञेन॑ प॒यसा॑ ।
 प॒यसा॑ स॒ह । स॒हेति॑ स॒ह ॥ व॒पाम् ते॑ । ते॒ अ॒ग्निः॑ । अ॒ग्निरि॑षितः ।

चतुर्थ काण्डे – द्वितीयः प्रश्नः – (TS 4.2)

इ॒षितो॑ऽव । अव॑ सर्प॒तु । सर्प॑त्विति॒ सर्प॒तु ॥ अग्ने॑ यत् । यत् ते ॥
ते शु॒क्रम् । शु॒क्रं य॑त् । यच् च॒न्द्रम् । च॒न्द्रम् य॑त् । यत् पू॒तम् ।
पू॒तं य॑त् । यद् य॒ज्ञिय॑म् ॥ य॒ज्ञिय॑मिति॒ य॒ज्ञिय॑म् ॥ तद् दे॒वेभ्यः॑ ।
दे॒वेभ्यो॑ भ॒राम॑सि । भ॒राम॑सीति॒ भ॒राम॑सि ॥ इ॒षमूर्ज॑म् । ऊ॒र्जम॑हम् ।
अ॒हमि॑तः । इ॒त आ॑ । आ॒ ददे॑ । 29 (50/52)

T.S.4.2.7.2 - Kramam

दद॑ ऋ॒तस्य॑ । ऋ॒तस्य॑ धाम्नः॑ । धाम्नो॑ अ॒मृत॑स्य । अ॒मृत॑स्य॒ योनेः॑ ।
योने॑रिति॒ योनेः॑ । आ॒ नः । नो॑ गोषु॑ । गोषु॑ विश॒तु । विश॑त्वा ।
औष॑धीषु॑ । औष॑धीषु॒ जहामि॑ । जहामि॑ से॒दिम् । से॒दिम॑निराम् ।
अ॒निराम॑मीवाम् । अ॒मीवा॑मित्यमीवाम् ॥ अग्ने॑ तव॑ । तव॑ श्रवः॑ ।
श्रवो॑ वयः॑ । वयो॑ महि॑ । महि॑ भ्राज॑न्ति । भ्राज॑न्त्यर्चयः॑ । अ॒र्चयो॑
विभा॑वसो । वि॒भा॒वसो॑ इति॒ विभा॑ – वसो॑ ॥ बृह॑द्भानो॒ शवसा॑ ।
बृह॑द्भानो॒ इति॒ बृहत्॑ – भानो॑ । शवसा॑ वाजम् । वाज॑मुक्थ्यम् ।
उक्थ्य॑म् दधा॑सि । दधा॑सि दा॒शुषे॑ । दा॒शुषे॑ कवे॑ । क॒व इति॑ कवे॑ ॥
इ॒रज्य॑न्नग्ने॑ । अग्ने॑ प्रथय॑स्व । प्रथय॑स्व ज॒न्तुभिः॑ । ज॒न्तुभि॑रस्मे ।
ज॒न्तुभि॑रिति॒ ज॒न्तु॑ – भिः॑ । अ॒स्मे रा॑यः । अ॒स्मे इत्य॑स्मे ।

रा॒यो अ॒म॒र्त्य॑ । अ॒म॒र्त्ये॑त्यम॒र्त्य॑ ॥ स॒ द॒र्श॑तस्य । द॒र्श॑तस्य॒ व॒पु॒षः॑ ।
व॒पु॒षो॑ वि । वि॒ राज॑सि । राज॑सि॒ पृ॒णक्षि॑ । पृ॒णक्षि॑ सान॒सिम् ।
सान॑सि॒ र॒यिम् । र॒यि॒मि॒ति॑ र॒यिम् । ऊ॒र्जा॑ नपात् । न॒पा॒ज् जा॑तवेदः ।
जा॑तवेदः सु॒श॒स्ति॒भिः॑ । जा॑तवेद॒ इति॑ जा॒त - वे॒दः॑ ।
सु॒श॒स्ति॒भिर् म॑न्दस्व । सु॒श॒स्ति॒भिरि॑ति सु॒श॒स्ति - भिः॑ ।
म॑न्दस्व॒ धी॒ति॒भिः॑ । 30 (50/55)

T.S.4.2.7.3 - Kramam

धी॒ति॒भिर् हि॒तः॑ । धी॒ति॒भिरि॑ति॒ धी॒ति - भिः॑ । हि॒त इति॑ हि॒तः॑ ॥
त्वे॑ इषः । त्वे॑ इति॒ त्वे । इ॒षः॒ सम् । सम् द॑धुः । द॒धुर् भू॑रिरेतसः ।
भू॑रिरेतसश्चि॒त्रो॒त॒यः॑ । भू॑रिरेतस॒ इति॑ भू॒रि - रे॒त॒सः॑ । चि॒त्रो॒त॒यो
वा॒म॒जा॒ताः॑ । चि॒त्रो॒त॒य इति॑ चि॒त्र - ऊ॒त॒यः॑ । वा॒म॒जा॒ता इति॑
वा॒म - जा॒ताः॑ ॥ पा॒व॒क॒व॒र्चाः॑ शु॒क्र॒व॒र्चाः॑ । पा॒व॒क॒व॒र्चा इति॑
पा॒व॒क - व॒र्चाः॑ । शु॒क्र॒व॒र्चा॑ अ॒नू॒न॒व॒र्चाः॑ । शु॒क्र॒व॒र्चा इति॑
शु॒क्र - व॒र्चाः॑ । अ॒नू॒न॒व॒र्चा॑ उ॒त् । अ॒नू॒न॒व॒र्चा॑ इ॒त्य॒नू॒न - व॒र्चाः॑ ।
उ॒दि॒य॒र्षि॑ । इ॒य॒र्षि॑ भा॒नु॒ना॑ ॥ भा॒नु॒ने॒ति॑ भा॒नु॒ना॑ ॥ पु॒त्रः॑ पि॒तरा॑ ।

चतुर्थ काण्डे - द्वितीयः प्रश्नः - (TS 4.2)

पि॒तरा॑ वि॒चर॑न् । वि॒चर॑न्नुप । वि॒चर॑न्निति वि - चर॑न् । उपा॑वसि ।
 अ॒व॒स्यु॒भे । उ॒भे पृ॑णक्षि । उ॒भे इत्यु॒भे । पृ॑णक्षि रोद॑सी । रोद॑सी
 इति॑ रोद॑सी ॥ ऋ॒तावा॑नम् महि॒षम् । ऋ॒तावा॑नमित्यृ॒त - वा॒नम् ।
 म॒हिषं॑ वि॒श्वच॑र्षणिम् । वि॒श्वच॑र्षणिम॒ग्निम् । वि॒श्वच॑र्षणिमि॒ति
 वि॒श्व-च॑र्षणिम् । अ॒ग्निं सु॒म्नाय॑ । सु॒म्नाय॑ दधिरे । दधिरे॑ पु॒रः ।
 पु॒रो जनाः॑ । जना॑ इति॑ जनाः॑ ॥ श्रु॒त्कर्णं॑ स॒प्रथ॑स्तमम् ।
 श्रु॒त्कर्ण॑मि॒ति श्रु॒त् - क॑र्णम् । स॒प्रथ॑स्तमम् त्वा । स॒प्रथ॑स्तममि॒ति
 स॒प्रथः॑ - त॒मम् । त्वा गि॒रा । गि॒रा दै॒व्यम् । दै॒व्यम् मा॑नुषा ।
 मा॑नुषा यु॒गा । य॒गेति॑ यु॒गा ॥ नि॒ष्कर्ता॑रम॒ध्वर॑स्य । नि॒ष्कर्ता॑रमि॒ति
 निः - क॑र्ता॒रम् । अ॒ध्वर॑स्य प्र॒चेत॑सम् । प्र॒चेत॑सम् क्षय॑न्तम् ।
 प्र॒चेत॑समि॒ति प्र - चे॒त॑सम् । क्षय॑न्तं रा॒धसे॑ । रा॒धसे॑ म॒हे ।
 म॒ह इति॑ म॒हे ॥ रा॒तिम् भृ॑गूणा॒म् । भृ॑गूणा॒मुशि॑जम् । उ॒शि॒जम्
 क॒विक्र॑तुम् । क॒विक्र॑तुम् पृ॑णक्षि । क॒विक्र॑तुमि॒ति क॒वि - क्र॑तुम् ।
 पृ॑णक्षि सा॒नसि॑म् । सा॒नसि॑ र॒यिम् । 31 (50/66)

T.S.4.2.7.4 - Kramam

रयिमि॑ति॒ रयि॑म् ॥ चि॑तः स्थ । स्थ॒ परि॑चितः । परि॑चित ऊ॒र्ध्व॑चितः ।
 परि॑चित इति॒ परि – चि॑तः । ऊ॒र्ध्व॑चितः श्रय॑द्ध्वम् । ऊ॒र्ध्व॑चित
 इत्यू॒र्ध्व – चि॑तः । श्रय॑द्ध्वम् तया । तया॑ दे॒वतया॑ । दे॒वतया॑
 ऽङ्गि॑रस्वत् । अ॒ङ्गि॑रस्वद् ध्रु॒वाः । ध्रु॒वाः सी॑दत । सी॒दते॑ति॒ सी॑दत ॥
 आ॒ प्या॑यस्व । प्या॑यस्व॒ सम् । समे॑तु । ए॒तु ते॑ । ते॒ विश्व॑तः । विश्व॑तः
 सोम॑ । सोम॒ वृष्णि॑यम् । वृष्णि॑यमि॒ति वृष्णि॑यम् । भवा॑ वाज॒स्य ।
 वाज॑स्य सङ्ग॒थे । सङ्ग॑थ इति॒ सम्-ग॒थे ॥ सम् ते॑ । ते॒ पया॑ँसि ।
 पया॑ँसि॒ सम् । समु॑ । उ॒ यन्तु॑ । यन्तु॑ वाजाः । वाजाः॒ सम् ।
 सं वृष्णि॑यानि । वृष्णि॑यान्यभिमा॒तिषा॑हः । अ॒भिमा॑तिषा॒ह
 इत्य॑भिमा॒ति – सा॑हः ॥ आ॒प्या॑यमानो अ॒मृता॑य । आ॒प्या॑यमान
 इत्या॑ – प्या॒यमा॑नः । अ॒मृता॑य सोम । सोम॒ दिवि॑ । दिवि॑ श्रवा॑ँसि ।
 श्रवा॑ँस्यु॒त्तमा॑नि । उ॒त्तमा॑नि धिष्व । उ॒त्तमा॑नीत्युत् – त॒मानि॑ ।
 धिष्वे॑ति॒ धिष्व ॥ 32 (40/43)

(आ – म॒न्दस्व – सा॒नसि – मे॒कान्न च॑त्वारि॒ँशच्च॑) (A7)

T.S.4.2.8.1 - Kramam

अ॒भ्य॒स्थात् । अ॒स्थाद् विश्वाः॑ ॥ विश्वाः॑ पृ॒तनाः॑ । पृ॒तना॑ अ॒रातीः॑ ।
 अ॒राती॑स्तत् । तद॒ग्निः॑ । अ॒ग्निरा॑ह । आ॒ह तत् । तदु॑ । उ॒ सोमः॑ ।
 सोम॑ आ॒ह । आ॒हेत्या॑ह ॥ बृ॒हस्प॑तिः स॒विता॑ । स॒विता॑ तत् ।
 तन् मे॑ ॥ म आ॒ह । आ॒ह पू॒षा । पू॒षा मा॑ ॥ मा॒ऽधात् । अ॒धाथ्
 सु॒कृत॑स्य । सु॒कृत॑स्य लो॒के । सु॒कृत॑स्येति सु - कृत॑स्य । लो॒क
 इति॑ लो॒के ॥ यद॒क्रन्दः॑ । अ॒क्रन्दः॑ प्रथ॒मम् । प्रथ॒मम् जा॑यमानः ।
 जा॑यमान उ॒द्यन् । उ॒द्यन्त् समु॑द्रात् । उ॒द्यन्नित्यु॑त् - यन् ।
 समु॑द्रादु॒त् । उ॒त् वा॑ ॥ वा॒ पुरी॑षात् । पुरी॑षादिति॒ पुरी॑षात् ॥
 श्ये॒नस्य॑ प॒क्षा । प॒क्षा ह॑रिणस्य । ह॒रिण॑स्य बा॒हू । बा॒हू उप॑स्तुतम् ।
 बा॒हू इति॑ बा॒हू । उप॑स्तुतम् जनि॑म । उप॑स्तुतमित्यु॒प - स्तु॑तम् ।
 जनि॑म तत् । तत् ते॑ ॥ ते अ॒र्वन् । अ॒र्वन्नित्य॑र्वन् ॥ अ॒पाम् पृ॑ष्ठम् ।
 पृ॑ष्ठमसि । अ॒सि यो॑निः । यो॑नि॒रग्नेः॑ । अ॒ग्नेः॑ समु॑द्रम् ।
 समु॑द्रम॒भितः॑ । अ॒भितः॑ पि॒न्वमा॑नम् । पि॒न्वमा॑नमिति॒ पि॒न्वमा॑नम् ॥
 वर्द्ध॑मानम् म॒हः । म॒ह आ॑ । 33 (50/54)

T.S.4.2.8.2 - Kramam

आ च । च पुष्करम् । पुष्करम् दिवः । दिवो मात्रया । मात्रया
 वरिणा । वरिणा प्रथस्व । प्रथस्वेति प्रथस्व ॥ ब्रह्म जज्ञानम् ।
 जज्ञानम् प्रथमम् । प्रथमम् पुरस्तात् । पुरस्ताद् वि । वि सीमतः ।
 सीमतः सुरुचः । सुरुचो वेनः । सुरुच इति सु - रुचः ।
 वेन आवः । आव इत्यावः ॥ स बुद्धिनयाः । बुद्धिनया उपमाः ।
 उपमा अस्य । उपमा इत्युप - माः । अस्य विष्ठाः । विष्ठाः सतः ।
 विष्ठा इति वि - स्थाः । सतश्च । च योनिम् । योनिमसतः ।
 असतश्च । च विवः । विव इति विवः ॥ हिरण्यगर्भः सम् ।
 हिरण्यगर्भ इति हिरण्य - गर्भः । समवर्तत । अवर्तताग्रे ।
 अग्रे भूतस्य । भूतस्य जातः । जातः पतिः । पतिरेकः ।
 एक आसीत् । आसीदित्यासीत् ॥ स दाधार । दाधार पृथिवीम् ।
 पृथिवीम् द्याम् । द्यामुत । उतेमाम् । इमाम् कस्मै । कस्मै देवाय ।
 देवाय हविषा । हविषा विधेम ॥ विधेमेति विधेम ॥ द्रप्सश्चस्कन्द ।
 चस्कन्द पृथिवीम् । पृथिवीमनु । अनु द्याम् । 34 (50/54)

T.S.4.2.8.3 - Kramam

द्यामि॑मम् । इ॒मम् च॑ । च॒ योनि॑म् । योनि॑मनु॒ । अनु॒ यः । यश्च॑ ।
 च॒ पूर्॒वः । पूर्॒व इति॑ पूर्॒वः ॥ तृ॒तीयं॑ योनि॑म् । योनि॑मनु॒ । अनु॒
 सञ्च॑रन्तम् । सञ्च॑रन्तम् द्र॒प्सम् । सञ्च॑रन्तमि॒ति सम् – च॑रन्तम् ।
 द्र॒प्सम् जु॑होमि । जु॒हो॒म्यनु॑ । अनु॒ स॒प्त । स॒प्त हो॒त्राः । हो॒त्रा इति॑
 हो॒त्राः ॥ नमो॑ अस्तु । अ॒स्तु स॒र्पेभ्यः॑ । स॒र्पेभ्यो॑ ये । ये के॑ ।
 के च॑ । च॒ पृथि॑वीम् । पृथि॑वीमनु॒ । अ॒न्वित्यनु॑ ॥ ये अ॒न्तरि॑क्षे ।
 अ॒न्तरि॑क्षे ये । ये दि॒वि । दि॒वि तेभ्यः॑ । तेभ्यः॑ स॒र्पेभ्यः॑ । स॒र्पेभो॑
 नमः॑ । नम॑ इति॒ नमः॑ ॥ येऽदः॑ । अ॒दो रो॑चने । रो॒चने दि॒वः ।
 दि॒वो ये । ये वा॑ । वा॒ सूर्य॑स्य । सूर्य॑स्य र॒श्मिषु॑ । र॒श्मिष्विति॑
 र॒श्मिषु॑ ॥ येषा॑म॒प्सु । अ॒प्सु स॒दः । अ॒प्स्वित्यप् – सु॑ ।
 स॒दः कृ॒तम् । कृ॒तम् तेभ्यः॑ । तेभ्यः॑ स॒र्पेभ्यः॑ । स॒र्पेभ्यो॑ नमः॑ ।
 नम॑ इति॒ नमः॑ ॥ या इ॒षवः॑ । इ॒षवो या॑तु॒धानाना॑म् । या॑तु॒धानानां॑ ये॒ ।
 या॑तु॒धानाना॑मिति॒ यातु॑ – धानानाम् () । ये वा॑ । वा॒ वन॑स्पतीन् ।
 वन॑स्पती॒र्नु । अ॒न्वित्यनु॑ ॥ ये वा॑ । वा॒ऽव॒टेषु॑ । अ॒व॒टेषु॑ शे॒रते॑ ।

शे॒रते॑ ते॒भ्यः॑ । ते॒भ्यः॑ स॒र्पे॒भ्यः॑ । स॒र्पे॒भ्यो॑ नमः ।

नम॑ इति॑ नमः ॥ 35 (61/64)

(म॒हो - ऽनु॑ - या॒तु॒थाना॑ना - मे॒काद॑श च) (A8)

T.S.4.2.9.1 - Kramam

ध्रु॒वा॒ऽसि॑ । अ॒सि॑ ध॒रुणा॑ । ध॒रुणा॑ ऽस्तृ॒ता । अस्तृ॒ता वि॒श्वक॑र्मणा ।
 वि॒श्वक॑र्मणा सु॒कृता॑ । वि॒श्वक॑र्मणेति॑ वि॒श्व - क॑र्मणा । सु॒कृतेति॑
 सु - कृ॒ता ॥ मा॑ त्वा ॥ त्वा॒ स॒मु॒द्रः॑ । स॒मु॒द्र उ॒त् । उ॒द् व॑धीत् ।
 व॒धीन् मा॑ । मा॒ सु॒पर्णः॑ । सु॒पर्णो॑ ऽव्यथ॑माना । सु॒पर्ण इति॑
 सु - पर्णः॑ । अ॒व्यथ॑माना पृथि॒वीम् । पृथि॒वीम् दृ॒ह ।
 दृ॒हेति॑ दृ॒ह ॥ प्र॒जाप॑तिस्त्वा । प्र॒जाप॑तिरिति॑ प्र॒जा - प॑तिः ।
 त्वा॒ सा॒दय॑तु । सा॒दय॑तु पृथि॒व्याः । पृथि॒व्याः पृ॒ष्ठे । पृ॒ष्ठे व्य॑चस्वतीम् ।
 व्य॑चस्वतीम् प्रथ॑स्वतीम् । प्रथ॑स्वतीम् प्रथः॑ । प्रथो॑ऽसि । अ॒सि
 पृथि॒वी । पृथि॒व्यसि॑ । अ॒सि भूः॑ । भूर॑सि । अ॒सि भूमिः॑ । भूमि॑रसि ।
 अ॒स्यदि॑तिः । अ॒दि॒तिर॑सि । अ॒सि वि॒श्वधा॑याः । वि॒श्वधा॑या वि॒श्वस्य॑ ।
 वि॒श्वधा॑या इति॑ वि॒श्व - धा॑याः । वि॒श्वस्य॑ भु॒वन॑स्य । भु॒वन॑स्य ध॒र्त्री ।
 ध॒र्त्री पृथि॒वीम् । पृथि॒वीं य॑च्छ । य॒च्छ पृथि॒वीम् । पृथि॒वीम् दृ॒ह ।

चतुर्थ काण्डे - द्वितीयः प्रश्नः - (TS 4.2)

दृ॒ह पृ॒थि॒वीम् । पृ॒थि॒वीम् मा । मा हि॒सीः । हि॒सीर् विश्व॑स्मै ।
विश्व॑स्मै प्रा॒णाय॑ । प्रा॒णाय॑पा॒नाय॑ । प्रा॒णाय॑ेति प्र - अ॒नाय॑ ।
अ॒पा॒नाय॑ व्या॒नाय॑ । अ॒पा॒नाय॑ेत्यप - अ॒नाय॑ । व्या॒नायो॑दा॒नाय॑ ।
व्या॒नाय॑ेति वि - अ॒नाय॑ । उ॒दा॒नाय॑ प्रति॒ष्ठायै॑ ॥ उ॒दा॒नाय॑ेत्युत् - अ॒नाय॑ ।
प्रति॒ष्ठायै॑ च॒रि॒त्राय॑ । प्रति॒ष्ठाय॑ इति प्रति - स्थायै॑ ॥ 36 (50/59)

T.S.4.2.9.2 - Kramam

च॒रि॒त्राय॑ग्निः । अ॒ग्नि॒स्त्वा ॥ त्वाऽभि॑ । अ॒भि पा॑तु । पा॒तु म॒ह्या ।
म॒ह्या स्व॒स्त्या । स्व॒स्त्या छ॒र्दिषा॑ ॥ छ॒र्दिषा॑ श॒न्तमे॑न । श॒न्तमे॑न तया ॥
श॒न्तमे॑नेति शम् - तमे॑न । तया॑ दे॒वतया॑ । दे॒वतया॑ ऽङ्गि॒रस्वत् ।
अ॒ङ्गि॒रस्वद् ध्रु॒वा । ध्रु॒वा सी॒द । सी॒देति॑ सी॒द ॥ काण्डा॑त्काण्डात्
प्र॒रोह॑न्ती । काण्डा॑त्काण्डादिति काण्डात् - काण्डात् । प्र॒रोह॑न्ती
प॒रुषः॑प॒रुषः॑ । प्र॒रोह॑न्तीति प्र - रोह॑न्ती । प॒रुषः॑प॒रुषः॑ परि ।
प॒रुषः॑प॒रुष इति॑ प॒रुषः॑ - प॒रुषः॑ । प॒रीति॑ परि ॥ ए॒वा नः॑ । नो॒ दूर्वे॑ ।
दूर्वे॑ प्र । प्र तनु॑ । तनु॑ स॒हस्रे॑ण । स॒हस्रे॑ण श॒तेन॑ । श॒तेन॑ च ।
चेति॑ च ॥ या श॒तेन॑ । श॒तेन॑ प्रत॒नोषि॑ । प्रत॒नोषि॑ स॒हस्रे॑ण ।
प्रत॒नोषी॑ति प्र - त॒नोषि॑ । स॒हस्रे॑ण वि॒रोह॑सि ।

वि॒रो॒ह॒सी॒ति॒ वि॒ – रो॒ह॒सि॒ ॥ त॒स्या॒स्ते॒ । ते॒ दे॒वि॒ । दे॒वी॒ष्ट॒के॒ ।
इ॒ष्ट॒के॒ वि॒धेम॑ । वि॒धेम॑ ह॒विषा॑ ॥ ह॒विषा॑ व॒यम् । व॒यमि॑ति॒ व॒यम् ॥
अ॒षाढा॑ऽसि । अ॒सि॒ स॒ह॒मा॒ना । स॒ह॒मा॒ना स॒ह॒स्व । स॒ह॒स्वा॒रा॒तीः ।
अ॒रा॒तीः स॒ह॒स्व । स॒ह॒स्वा॒रा॒ती॒य॒तः । अ॒रा॒ती॒य॒तः स॒ह॒स्व ।
स॒ह॒स्व पृ॒त॒नाः । पृ॒त॒नाः स॒ह॒स्व । स॒ह॒स्व पृ॒त॒न्य॒तः ।
पृ॒त॒न्य॒त इति॑ पृ॒त॒न्य॒तः ॥ स॒ह॒स्र॑वी॒र्याऽसि॑ ।
स॒ह॒स्र॑वी॒र्ये॑ति॒ स॒ह॒स्र॑ – वी॒र्या॑ ॥ 37 (50/56)

T.S.4.2.9.3 - Kramam

अ॒सि॒ सा॒ । सा॒ मा॒ । मा॒ जि॒न्व॒ । जि॒न्वे॑ति॒ जि॒न्व॒ ॥ म॒धु॒ वा॒ताः॑ ।
वा॒ता ऋ॑ता॒य॒ते । ऋ॑ता॒य॒ते म॒धु॒ । ऋ॑ता॒य॒त इत्यृ॑त॒-य॒ते । म॒धु॒ क्ष॑रन्ति ।
क्ष॑रन्ति॒ सि॒न्ध॒वः । सि॒न्ध॒व इति॑ सि॒न्ध॒वः ॥ मा॒ध्वी॑र् नः । नः॒ स॒न्तु॑ ।
स॒न्त्वो॑ष॒धीः । ओ॑ष॒धी॒रि॒त्यो॑ष॒धीः ॥ म॒धु॒ न॒क्त॑म् । न॒क्त॑मु॒त । उ॒तो॑ष॒सि॑ ।
उ॒ष॒सि॒ म॒धु॒म॒त् । म॒धु॒म॒त् पा॑रि॒थि॒व॒म् । म॒धु॒म॒दि॒ति॒ म॒धु॒ – म॒त् ।
पा॑रि॒थि॒व॒ꣳ र॒जः॑ । र॒ज इति॑ र॒जः॑ ॥ म॒धु॒ द्यौः॑ । द्यौ॑र॒स्तु॒ । अ॒स्तु॒ नः॑ ।
नः॒ पि॒ता । पि॒ते॑ति॒ पि॒ता ॥ म॒धु॒मा॒न् नः॑ । म॒धु॒मा॒नि॒ति॒ म॒धु॒ – मा॒न् ।
नो॒ व॒न॒स्प॑तिः । व॒न॒स्प॑ति॒र् म॒धु॒मा॒न् । म॒धु॒मा॒ꣳ अ॒स्तु॑ ।

चतुर्थ काण्डे - द्वितीयः प्रश्नः - (TS 4.2)

मधु॑मानि॒ति॒ मधु॑ - मा॒न् । अ॒स्तु॒ सूर्यः॑ । सूर्य॑ इति॒ सूर्यः॑ ॥
मा॒ध्वी॒र् गावः॑ । गावो॑ भवन्तु । भवन्तु॑ नः । न इति॑ नः ॥
म॒ही द्यौः॑ । द्यौः॑ पृथि॒वी । पृथि॒वी च । च नः॑ । न इ॒मम् ।
इ॒मम् य॒ज्ञम् । य॒ज्ञम् मि॒मिक्षता॑म् । मि॒मिक्षता॑मिति॒ मि॒मिक्षता॑म् ॥
पि॒पृता॑म् नः । नो॑ भरी॒मभिः॑ । भरी॒मभिरि॑ति॒ भरी॑म - भिः ॥
तद् वि॒ष्णोः॑ । वि॒ष्णोः॑ प॒रमम् । प॒रमम् प॒दम् । 38 (50/54)

T.S.4.2.9.4 - Kramam

प॒दं सदा॑ । सदा॑ पश्यन्ति । पश्यन्ति॑ सूर्यः॑ । सूर्य॑ इति॒ सूर्यः॑ ॥
दि॒वीव॑ । इ॒व चक्षुः॑ । चक्षु॑रात॒तम् । आ॒त॒त॒मित्या॑ - त॒तम् ॥
ध्रु॒वाऽसि॑ । अ॒सि पृथि॒वि । पृथि॒वि स॒हस्व॑ । स॒हस्व॑ पृ॒त॒न्यतः॑ ।
पृ॒त॒न्यत॑ इति॒ पृ॒त॒न्यतः॑ । स्यू॒ता दे॒वेभिः॑ । दे॒वेभि॑र॒मृते॑न । अ॒मृते॑ना ।
आ॒ऽगाः । अ॒गा इत्य॑गाः ॥ या स्ते॑ । ते अ॒ग्ने । अ॒ग्ने सूर्ये॑ ।
सूर्ये॑ रुचः॑ । रुच॑ उ॒द्यतः॑ । उ॒द्यतो॑ दि॒वम् । उ॒द्यत॑ इत्युत् - यतः॑ ।
दि॒वमा॑त॒न्वन्ति॑ । आ॒त॒न्वन्ति॑ र॒श्मिभिः॑ । आ॒त॒न्वन्तीत्या॑ - त॒न्वन्ति॑ ।
र॒श्मिभि॑रि॒ति॒ र॒श्मि - भिः॑ ॥ ताभिः॑ सर्वा॑भिः । सर्वा॑भी रु॒चे ।
रु॒चे ज॑नाय । ज॒नाय॑ नः । न॒स्कृ॒धि । कृ॒धीति॑ कृ॒धि ॥ या वः॑ ।

वो दे॒वाः । दे॒वाः सूर्ये॑ । सूर्ये॑ रुचः । रुचो॑ गोषु । गोष्वश्रेषु॑ ।
 अश्रेषु॑ याः । या रुचः । रुच इति॑ रुचः ॥ इन्द्रा॑ग्नी ताभिः ।
 इन्द्रा॑ग्नी इतीन्द्र - अग्नी॑ । ताभिः॑ सर्वाभिः । सर्वा॑भी रुचम् ॥
 रुचम् नः । नो॑ धत्त । धत्त बृहस्पते॑ । बृहस्पत इति॑ बृहस्पते ॥
 विराड् ज्योतिः॑ । विराडिति॑ वि - राट् । 39 (50/54)

T.S.4.2.9.5 - Kramam

ज्योति॑रधारयत् । अधार॑यथ् स॒म्राट् । स॒म्राड् ज्योतिः॑ । स॒म्राडिति॑
 सम् - राट् । ज्योति॑रधारयत् । अधार॑यथ् स्व॒राट् । स्व॒राड् ज्योतिः॑ ।
 स्व॒राडिति॑ स्व - राट् । ज्योति॑रधारयत् । अधार॑यदित्यधारयत् ॥
 अग्ने॑ यु॒क्ष्व । यु॒क्ष्वा हि । हि ये । ये तव॑ । तवाश्वासः॑ ।
 अश्वासो॑ देव । दे॒व सा॒धवः॑ । सा॒धव इति॑ सा॒धवः॑ ॥ अ॒रं व॑हन्ति ।
 वह॑न्त्याशवः । आ॒शव इत्या॑शवः ॥ यु॒क्ष्वा हि । हि दे॒वहू॑तमान् ।
 दे॒वहू॑तमा॒ञ् अश्वा॑न् । दे॒वहू॑तमा॒निति॑ दे॒व-हू॑तमान् । अश्वा॑ञ् अग्ने॑ ।
 अग्ने॑ रथीः । रथी॑रिव । इ॒वेती॑व ॥ नि होता॑ । होता॑ पू॒र्व्यः॑ ।
 पू॒र्व्यः॑ सदः । स॒द इति॑ सदः ॥ द्र॒फ्सश्च॑स्कन्द । च॒स्कन्द॑ पृथि॒वीम् ।
 पृथि॒वीम॑नु । अनु॑ द्याम् । द्यामि॒मम् । इ॒मम् च॑ । च॒ योनि॑म् ॥

यो॒नि॒म॒नु॒ । अ॒नु॒ यः॑ । यश्च॑ । च॒ पूर्॒वः॑ । पूर्॒व इति॑ पूर्॒वः॑ ॥ तृ॒ती॒यं
 यो॒नि॒म् ॥ यो॒नि॒म॒नु॒ । अ॒नु॒ स॒ञ्च॒र॒न्त॒म् । स॒ञ्च॒र॒न्त॒म् द्र॒प्स॒म् ।
 स॒ञ्च॒र॒न्त॒मि॒ति॒ सम् - च॒र॒न्त॒म् । द्र॒प्स॒म् जु॒हो॒मि॒ । जु॒हो॒म्य॒नु॒ ।
 अ॒नु॒ स॒प्त॑ । स॒प्त॑ हो॒त्राः॑ ॥ 40 (50/54)

T.S.4.2.9.6 - Kramam

हो॒त्रा इति॑ हो॒त्राः॑ ॥ अ॒भू॒दि॒द॒म् । इ॒दं वि॒श्व॑स्य । वि॒श्व॑स्य॒ भु॒व॒न॒स्य॑ ।
 भु॒व॒न॒स्य॑ वा॒जि॒न॒म् । वा॒जि॒न॒म॒ग्नेः॑ । अ॒ग्ने॒र् वै॒श्वान॑रस्य । वै॒श्वान॑रस्य॒
 च॑ । चे॒ति॒ च ॥ अ॒ग्नि॒र् ज्यो॒ति॒षा॑ । ज्यो॒ति॒षा॑ ज्यो॒ति॒ष्मा॒न् ।
 ज्यो॒ति॒ष्मा॒न् रु॒क्मः॑ । रु॒क्मो॑ वर्च॒सा॑ । वर्च॒सा॑ वर्च॒स्वा॒न् ।
 वर्च॒स्वा॒नि॒ति॒ वर्च॒स्वा॒न् ॥ ऋ॒चे॒ त्वा॑ । त्वा॒ रु॒चे॑ । रु॒चे॒ त्वा॑ ।
 त्वा॒ सम् । स॒मि॒त् । इ॒थ् स्र॒व॒न्ति॑ । स्र॒व॒न्ति॒ स॒रि॒तः॑ । स॒रि॒तो॒ न॑ ।
 न॒ धे॒नाः॑ ॥ धे॒ना इति॑ धे॒नाः॑ ॥ अ॒न्त॒र् हृ॒दा॑ । हृ॒दा॑ म॒न॒सा॑ । म॒न॒सा॑
 पू॒य॒मा॒नाः॑ । पू॒य॒मा॒ना इति॑ पू॒य॒मा॒नाः॑ ॥ घृ॒त॒स्य॑ धा॒राः॑ । धा॒रा॑ अ॒भि॒ ।
 अ॒भि॒ चा॒क॒शी॒मि॑ । चा॒क॒शी॒मी॒ति॑ चा॒क॒शी॒मि॑ ॥ हि॒र॒ण्य॒यो॒ वे॒त॒सः॑ ।
 वे॒त॒सो॒ म॒द्ध्यै॑ ॥ म॒द्ध्य॑ आ॒साम् । आ॒सा॒मि॒त्या॒साम् ॥
 तस्मि॑न्त् सु॒पर्णः॑ । सु॒पर्णो॑ म॒धु॒कृ॒त् । सु॒पर्ण॑ इति॒ सु - पर्णः॑ ।

म॒धुकृ॑त् कु॒लायी॑ । म॒धुकृ॑दिति॒ मधु॑ - कृ॒त् । कु॒लायी॑ भ॒जन् ।
 भ॒जन्ना॑स्ते । आ॒स्ते मधु॑ । मधु॑ दे॒वता॑भ्यः । दे॒वता॑भ्य॒ इति॑
 दे॒वता॑भ्यः ॥ तस्या॑सते । आ॒सते॑ ह॒रयः॑ । ह॒रयः॑ स॒प्त ।
 स॒प्त ती॑रे () । ती॑रे स्व॒धाम् । स्व॒धाम् दु॑हानाः ।
 स्व॒धामि॑ति॒ स्व - धाम्॑ । दु॒हाना॑ अ॒मृत॑स्य । अ॒मृत॑स्य धा॒राम् ॥
 धा॒रामि॑ति॒ धाराम्॑ ॥ 41 (54/57) (प्र॒तिष्ठा॑यै - स॒हस्र॑वीर्या -
 (प॒रमं - वि॒राट्थ् - स॒प्त - ती॑रे - च॒त्वारि॑ च) (A9)

T.S.4.2.10.1 - Kramam

आ॒दि॒त्यम् गर्भ॑म् । गर्भ॑म् प॒यसा॑ । प॒यसा॑ स॒मञ्ज॑न् । स॒मञ्ज॑न्थ्
 स॒हस्र॑स्य । स॒मञ्ज॑न्निति॒ सं - अ॒ञ्जन् । स॒हस्र॑स्य प्र॒तिमा॑म् ।
 प्र॒तिमां॑ वि॒श्वरूप॑म् । प्र॒तिमा॑मिति॒ प्रति॑ - मा॒म् । वि॒श्वरूप॑मिति॒
 वि॒श्व-रूप॑म् ॥ परि॑ वृ॒ड्धि॑ । वृ॒ड्धि॑ ह॒रसा॑ । ह॒रसा॑ मा । मा॒भि ।
 अ॒भि मृ॑क्षः । मृ॒क्षः श॒तायु॑षम् । श॒तायु॑षम् कृ॒णुहि॑ । श॒तायु॑षमिति॒
 श॒त - आ॒यु॑षम् । कृ॒णुहि॑ ची॒यमा॑नः । ची॒यमा॑न॒ इति॑ ची॒यमा॑नः ॥
 इ॒मम् मा॑ । मा॒ हि॒ंसीः॑ । हि॒ंसीर् द्वि॑पादम् । द्वि॒पादम् प॒शूना॑म् ।
 द्वि॒पाद॑मिति॒ द्वि - पा॑दम् । प॒शूना॑ सह॒स्राक्ष॑ । स॒हस्राक्ष॑ मे॒धे ॥

चतुर्थ काण्डे - द्वितीयः प्रश्नः - (TS 4.2)

सहस्राक्षेति सहस्र - अक्ष । मेध आ । आ चीयमानः । चीयमान
इति चीयमानः ॥ मयुमारण्यम् । आरण्यमनु । अनु ते । ते दिशामि ।
दिशामि तेन । तेन चिन्वानः । चिन्वानस्तनुवः । तनुवो नि । निषीद ।
सीदेति सीद ॥ वातस्य ध्राजिम् । ध्राजिं वरुणस्य । वरुणस्य
नाभिम् । नाभिमश्वम् । अश्वम् जज्ञानम् । जज्ञानं सरिरस्य ।
सरिरस्य मद्ध्ये । मद्ध्य इति मद्ध्ये ॥ शिशुम् नदीनाम् । नदीनां
हरिम् । हरिमद्रिबुद्धम् । अद्रिबुद्धमग्ने । अद्रिबुद्धमित्यद्रि - बुद्धम् ।
अग्ने मा । मा हिंसीः । हिंसीः परमे । 42 (50/56)

T.S.4.2.10.2 - Kramam

परमे व्योमन् । व्योमन्निति वि-ओमन् ॥ इमम् मा । मा हिंसीः ।
हिंसीरेकशफम् । एकशफम् पशूनाम् । एकशफमित्येक शफम् ।
पशूनाम् कनिक्रदम् । कनिक्रदं वाजिनम् । वाजिनं वाजिनेषु ।
वाजिनेष्विति वाजिनेषु ॥ गौरमारण्यम् । आरण्यमनु । अनु ते ।
ते दिशामि । दिशामि तेन । तेन चिन्वानः । चिन्वानस्तनुवः ।
तनुवो नि । निषीद । सीदेति सीद ॥ अजस्रमिन्दुम् । इन्दुमरुषम् ।
अरुषम् भुरण्युम् । भुरण्युमग्निम् । अग्निमीडे । ईडे पूर्वचित्तौ ।

पूर्व॑चित्तौ॑ नमो॑भिः । पूर्व॑चित्ता॒विति॑ पूर्व - चित्तौ॑ । नमो॑भिरिति॑
 नमः॑ - भिः॑ ॥ स पर्व॑भिः । पर्व॑भिर्. ऋतु॑शः । पर्व॑भिरिति॑
 पर्व - भिः॑ । ऋतु॑शः कल्प॑मानः । ऋतु॑श इत्यृ॑तु - शः ।
 कल्प॑मानो गाम् । गाम् मा । मा हि॑सीः । हि॑सीरदिति॑म् ।
 अदि॑तिं वि॒राज॑म् ॥ वि॒राज॑मिति॑ वि - राज॑म् ॥ इम॑सु॒द्रम् ।
 समु॑द्रं शत॑धारम् । शत॑धारमु॒थ्सम् ॥ शत॑धारमिति॑ शत - धार॑म् ।
 उ॒थ्सं व्य॑च्यमानम् । व्य॑च्यमानम् भुव॑नस्य । व्य॑च्यमानमिति॑
 वि - अ॒च्यमान॑म् । भुव॑नस्य म॒द्ध्ये ॥ म॒द्ध्य इति॑ म॒द्ध्ये ॥
 घृ॒तम् दु॒हाना॑म् । दु॒हाना॑मदिति॑म् । अदि॑तिम् जना॑य । जना॑याग्ने ॥
 अग्ने॑ मा । मा हि॑सीः । 43 (50/56)

T.S.4.2.10.3 - Kramam

हि॑सीः पर॑मे । पर॑मे व्यो॒मन् । व्यो॒मन्निति॑ वि - ओ॒मन् ॥
 गव॑यमार॒ण्यम् । आ॒रण्यम॑नु । अनु॑ ते । ते दि॒शामि॑ । दि॒शामि॑ तेन॑ ।
 तेन॑ चि॒न्वानः॑ । चि॒न्वान॑स्तनु॒वः । तनु॑वो नि । निषी॑द ।
 सी॒देति॑ सीद ॥ वरू॑न्निम् त्वष्टुः॑ । त्वष्टु॑र् वरु॑णस्य । वरु॑णस्य ना॒भिम् ।
 ना॒भि॒मवि॑म् ॥ अवि॑म् ज॒ज्ञाना॑म् । ज॒ज्ञाना॑ रज॑सः ।

चतुर्थ काण्डे - द्वितीयः प्रश्नः - (TS 4.2)

रज॒सः॑ पर॒स्मात् । पर॒स्मादि॒ति॒ पर॒स्मात् ॥ म॒ही॑ सा॒ह॒स्री॑म् ।
सा॒ह॒स्री॑म॒सुर॒स्य । अ॒सुर॒स्य॑ मा॒याम् । मा॒याम॒ग्ने॑ । अ॒ग्ने॒ मा ।
मा हि॑सीः । हि॑सीः॒ पर॒मे । पर॒मे॒ व्यो॑मन् । व्यो॑म॒न्निति॒
वि-ओ॒मन् ॥ इ॒मामू॑र्णायुम् । ऊ॒र्णायुं॑ वरुणस्य । वरुणस्य॑ मा॒याम् ।
मा॒याम् त्व॒चम् । त्व॒चम् प॒शूना॑म् । प॒शूना॑म् द्वि॒पदा॑म् । द्वि॒पदा॑म्
चतु॑ष्पदा॒म् । द्वि॒पदा॑मिति॒ द्वि - पदा॑म् । चतु॑ष्पदा॒मिति॒ चतुः-पदा॑म् ॥
त्वष्टुः॑ प्र॒जाना॑म् । प्र॒जाना॑म् प्रथ॒मम् । प्र॒जाना॑मिति॒ प्र - जाना॑म् ।
प्रथ॒मम् ज॒नित्र॑म् । ज॒नित्र॑म॒ग्ने॑ । अ॒ग्ने॒ मा । मा हि॑सीः ।
हि॑सीः॒ पर॒मे । पर॒मे॒ व्यो॑मन् । व्यो॑म॒न्निति॒ वि - ओ॒मन् ॥
उष्ट्र॑मा॒रण्यम् । आ॒रण्य॑मनु । अनु॑ ते । 44 (50/52)

T.S.4.2.10.4 - Kramam

ते दि॒शामि॑ । दि॒शामि॑ तेन । तेन॑ चि॒न्वानः॑ । चि॒न्वान॑स्तनुवः ।
तनु॒वो नि॑ । निषी॑द । सी॒देति॑ सीद ॥ यो अ॒ग्निः । अ॒ग्नि॒रग्नेः॑ ।
अ॒ग्ने॒ स्तप॑सः । तप॑सोऽधि॑ । अधि॑ जा॒तः । जा॒तः शो॑चात् ।
शो॑चात् पृथि॒व्याः । पृथि॒व्या उ॒त । उ॒त वा॑ । वा दि॒वः । दि॒वस्परि॑ ।

परीति परि ॥ येन प्रजाः । प्रजा विश्वकर्मा । प्रजा इति प्र - जाः ।
 विश्वकर्मा व्यानट् । विश्वकर्मेति विश्व - कर्मा । व्यानट् तम् ।
 व्यानडिति वि-आनट् । तमग्ने । अग्ने हेडः । हेडः परि । परि ते ।
 ते वृणक्तु । वृणक्त्विति वृणक्तु ॥ अजा हि । ह्यग्नेः । अग्नेरजनिष्ट ।
 अजनिष्ट गर्भात् । गर्भाथ् सा । सा वै । वा अपश्यत् । अपश्यज्
 जनितारम् । जनितारमग्रे । अग्र इत्यग्रे ॥ तथा रोहम् । रोहमायन् ।
 आयन्नुप । उप मेद्ध्यासः । मेद्ध्यासस्तया । तथा देवाः ।
 देवा देवताम् । देवतामग्रे । अग्र आयन् । आयन्नित्यायन् ॥
 शरभमारण्यम् () । आरण्यमनु । अनु ते । ते दिशामि ।
 दिशामि तेन । तेन चिन्वानः । चिन्वान स्तनुवः । तनुवो नि ।
 निषीद । सीदेति सीद ॥ 45 (59/62)

(अग्ने मा हिंसी-रग्ने मोष्ट्रमा-रण्यमनु-शरभम्-नव च) (A10)

T.S.4.2.11.1 - Kramam

इन्द्राग्नी रोचना । इन्द्राग्नी इतीन्द्र - अग्नी । रोचना दिवः ।
 दिवः परि । परि वाजेषु । वाजेषु भूषथः । भूषथ इति भूषथः ॥

चतुर्थ काण्डे - द्वितीयः प्रश्नः - (TS 4.2)

तद् वाम् । वां चेति । चेति प्र । प्र वीर्यम् । वीर्यमिति वीर्यम् ॥
 शनथद् वृत्रम् । वृत्रमुत । उत सनोति । सनोति वाजम् ।
 वाजमिन्द्रा । इन्द्रा यः । यो अग्नी । अग्नी सहुरी । अग्नी इत्यग्नी ।
 सहुरी सपर्यात् । सहुरी इति स - हुरी । सपर्यादिति सपर्यात् ॥
 इरज्यन्ता वसव्यस्य । वसव्यस्य भूरेः । भूरेः सहस्तमा । सहस्तमा
 सहसा । सहस्तमेति सहः - तमा । सहसा वाजयन्ता । वाजयन्तेति
 वाज - यन्ता ॥ प्र चर्षणिभ्यः । चर्षणिभ्यः पृतना । चर्षणिभ्य
 इति चर्षणि - भ्यः । पृतना हवेषु । हवेषु प्र । प्र पृथिव्याः ।
 पृथिव्या रिरिचाथे । रिरिचाथे दिवः । रिरिचाथे इति रिरिचाथे ।
 दिवश्च । चेति च ॥ प्र सिन्धुभ्यः । सिन्धुभ्यः प्र । सिन्धुभ्य इति
 सिन्धु - भ्यः । प्र गिरिभ्यः । गिरिभ्यो महित्वा । गिरिभ्य इति
 गिरि - भ्यः । महित्वा प्र । महित्वेति महि - त्वा । प्रेन्द्राग्नी ।
 इन्द्राग्नी विश्वा । इन्द्राग्नी इतीन्द्र - अग्नी । विश्वा भुवना ।
 भुवनाऽति । अत्यन्या । अन्येत्यन्या ॥ मरुतो यस्य ।
 यस्य हि । हि क्षये ॥ 46 (50/60)

T.S.4.2.11.2 - Kramam

क्षये॑ पा॒थ । पा॒था दि॒वः । दि॒वो वि॑महसः । वि॒मह॑स इति॑
वि - म॒हसः॑ ॥ स सु॒गोपा॑तमः । सु॒गोपा॑तमो॒ जनः॑ । सु॒गोपा॑तम
इति॑ सु॒गोप - त॒मः । जन॑ इति॑ जनः ॥ य॒ज्ञैर् वा॑ । वा य॒ज्ञवा॑हसः ।
य॒ज्ञवा॑हसो विप्र॑स्य । य॒ज्ञवा॑हस इति॑ य॒ज्ञ - वा॑हसः । विप्र॑स्य वा ।
वा म॒तीना॑म् । म॒तीना॑मिति॑ म॒तीना॑म् ॥ मरु॑तः शृणु॑त । शृणु॑ता ह॒वम् ॥
ह॒वमि॑ति॒ ह॒वम् ॥ श्रि॒यसे॒ कम् । कम् भानु॑भिः । भानु॑भिः सम् ।
भानु॑भिरिति॑ भानु - भिः । सम् मि॑मिक्षिरे । मि॑मिक्षरे॒ ते ।
ते र॒श्मि॑भिः । र॒श्मि॑भिस्ते । र॒श्मि॑भिरिति॑ र॒श्मि-भिः॑ । त ऋ॒क्वभिः॑ ।
ऋ॒क्वभिः॑ सु॒खाद॑यः । ऋ॒क्वभि॑रित्यृ॒क्व - भिः॑ । सु॒खाद॑य
इति॑ सु - खा॒दयः॑ । ते वा॒शीम॑न्तः । वा॒शीम॑न्त इ॒ष्मिणः॑ । वा॒शीम॑न्त
इति॑ वा॒शि - म॑न्तः । इ॒ष्मिणो॑ अभी॒रवः॑ । अभी॒रवो॑ वि॒द्रे । वि॒द्रे
प्रि॒यस्य॑ । प्रि॒यस्य॑ मारु॒तस्य॑ । मारु॒तस्य॑ धाम्नः॑ । धाम्न॑ इति॑ धाम्नः॑ ॥
अव॑ ते । ते हे॒डः । हे॒ड उ॒त् । उ॒दुत्त॑मम् । उ॒त्तम॑मित्युत् - त॒मम् ॥
कया॑ नः । नश्चि॒त्रः । चि॒त्र आ॑ । आ भु॒वत् । भु॒वदू॑ती ।
ऊ॒ती स॒दावृ॑धः । स॒दावृ॑धः सखा॑ ॥ स॒दावृ॑ध इति॑ स॒दा - वृ॑धः ।

सखेति सखा । कया शचिष्ठया । शचिष्ठया वृता ।

वृतेति वृता । 47 (50/57)

T.S.4.2.11.3 - Kramam

को अद्य । अद्य युङ्क्ते । युङ्क्ते धुरि । धुरि गाः । गा ऋतस्य ।
 ऋतस्य शिमीवतः । शिमीवतो भामिनः । भामिनो दुर्हणायून् ।
 दुर्हणायूनिति दुः - हणायून् ॥ आसन्निषून् हृथस्वसः ।
 आसन्निषूनित्यासन् - इषून् । हृथस्वसो मयोभून् । हृथस्वस इति
 हृथ्सु - असः । मयोभून् यः । मयोभूनिति मयः-भून् । य एषाम् ।
 एषाम् भृत्याम् । भृत्यामृणधत् । ऋणधत् सः । स जीवात् ।
 जीवादिति जीवात् ॥ अग्ने नय । नया । आ देवानाम् । देवानाञ्
 शम् । शम् नः । नो भवन्तु । भवन्तु वाजेवाजे । वाजेवाज इति
 वाजे - वाजे ॥ अफस्वग्ने । अफिस्वत्यप् - सु । अग्ने सधिः ।
 सधिष्ठव । तव सः । सौषधीः । ओषधीरनु । अनु रुध्यसे ।
 रुध्यस इति रुध्यसे ॥ गर्भे सन् । सन् जायसे । जायसे पुनः ।
 पुनरिति पुनः ॥ वृषा सोम । सोम द्युमान् । द्युमाञ् असि ।
 द्युमानिति द्यु - मान् । असि वृषा । वृषा देव । देव वृषव्रतः ।

तैत्तिरीय संहिता क्रम पाठे (TS 4.2)

वृष॑व्रत॒ इति॑ वृष॑ - व्रतः॑ । वृषा॑ धर्मा॑णि । धर्मा॑णि दधि॑षे ॥
दधि॑ष इति॑ दधि॑षे ॥ इ॒मम् मे॑ () । मे॒ वरु॑ण । वरु॑ण तत् ।
तत् त्वा॑ । त्वा॒ या॒मि । या॒मि त्वम् । त्वम् नः॑ । नो॒ अग्ने॑ ।
अग्ने॑ सः । स त्वम् । त्वम् नः॑ । नो॒ अग्ने॑ ।
अग्ने॑ इत्यग्ने॑ ॥ 48 (61/66)

(हि - वृता - म - एकादश च) (A11)

Prasna Korvai with starting Padams of 1 to 11 Anuvaakams :-

(विष्णोः॑ क्रमो॑ऽसि - दि॒वस्प - र्यन्न॑पते - ऽपे॒त - समि॑तं - या॑
जा॒ता - मा नो॑ हि॒सी - द॒भ्यस्था॑द् - ध्रु॒वा - ऽस्या॑दि॒त्यङ्ग॑र्भ -
मिन्द्रा॑ग्नी रोच॑ - नैका॑दश)

Korvai with starting Padams of 1, 11, 21 Series of Panchaatis :-

(विष्णो॑ - रस्मिन् ह॒व्ये - ति॑ त्वा॒ऽहं - धी॒तिभि॑ - ह्री॒त्रा -
अष्टा॑च॒त्वारि॑ऽशत्)

First and Last Padam of Second Prasnam of 4th Kandam

(विष्णोः॑ क्रमो॑ऽसि - त्वन्नो॑ अग्ने॑ स त्वन्नो॑ अग्ने॑)

चतुर्थ काण्डे – द्वितीयः प्रश्नः – (TS 4.2)

॥ हरिः ओं ॥

॥ इति चतुर्थ काण्डे द्वितीयः प्रश्नः – क्रम पाठः समाप्तः ॥

=====

Details of Panchati, Padam and Krama Vaakyam for Kandam 4 – Prasanam 2 – TS 4.2

	Panchati	Padams	Krama Vaakyams
Anuvakam 1	5	266	297
Anuvakam 2	4	204	224
Anuvakam 3	4	216	238
Anuvakam 4	4	198	218
Anuvakam 5	6	322	361
Anuvakam 6	5	268	298
Anuvakam 7	4	189	216
Anuvakam 8	3	161	172
Anuvakam 9	6	304	334
Anuvakam 10	4	209	226
Anuvakam 11	3	161	183
Total →	48	2498	2767